

小  
倦  
遊  
閣  
集

小倦游閣集第二十七

別集八

文五

為胡墨莊給事條陳積案獎源摺子

工科給事中臣胡承珙跪

奏為直陳外省案件積壓之源敬抒管見仰祈

聖鑒事竊照聽訟乃無訟之基積案即興獄之漸民間雀角細故有司隨時聽斷別其曲直則貧懦有所  
訖而足以自立兇強有所憚而不敢滋事若經年累  
月奔走號呼有司置之不理是始既受氣于民終更  
受累于官則其憾無所釋搗怨泄忿于是有糾眾械

門者有乘危搶刦者有要路仇殺者有惡名傾陷者  
并有習見有司疲玩不以吾官裡尋報復者此皆以  
積塵小案而釀成大獄并使人心風俗日趨刁悍之  
實在情形也我

國家量能授官其有志振作率屬勤民者諒不乏人  
而臣聞江浙各州縣均有積案千數速者至十餘年  
近者亦三五年迤宕不結節經各上司飭屬清釐塵  
牘如故豈俱闌冗不職玩視民瘼者乎蓋臆斷之權  
在官而勾攝之事在設役假如甲乙構訟甲富而乙  
貧甲賄役而必拘乙乙知甲之賄厚以為衙門有人  
勢將必勝非上控以架案即遠避以逃案矣或乙直

而甲曲值長官廉明無可關說則甲必賄役以擱案  
矣復有兩造俱到書役婪索未厭不送則卑又有蠹  
役私押留難既久兩造至避原告久候而歸被告即  
來催審及補傳原告到案而被告又去展轉稽延舊  
案之審無期新案之來日多此胥役擱案殃民之實  
在情形也然各州縣中豈無不與胥役為市而力振  
積弊者乎實由書役承辦案件皆有賠墊長官悉知  
其苦累情形不得不量予假借以為調劑查外省公  
事除河工鹽務之外凡州縣上下文移紙張書工封  
套印硃皆由各書捐辦遇有大案通詳詳冊六套每  
套至數萬言限期急促僱覓書手所費官既不認唯

有標賞解俾資津貼至于衙役辦公始則勾攝繼則解送尋常案件杖徒解府軍流以上解司過院命案徒犯例亦解司具命犯招解唯謀殺情重有首從如功或二三人外門故各殺皆止正兇一人至盜賊盜梟多有一案招解至十數十者承辦原役不過二名及至解犯例須一犯三解本投督解勢必催倩散役又入犯到官未經定罪收集之前輩皆須原役供給飯食又解役到司府時例須一人在監伴犯一人在外籌送囚飯若穢情狀非齊民所堪故應催之人大約無賴匪徒係原役按照解審正限核計將囚飯役食筭交催值若干使費若干言明若到上發審稽

延計日再加本役名為督解實不上路該犯知到上  
翻供則解役拖累中途虛辭恐嚇需索酒肉開發錄  
靠該役不敢不從甚至每過市集強索各鋪戶財物  
與該役朋分常有中途失囚解役俱逃者且查外省  
案件以州縣為承審官府司為勘轉官命案統限六  
月州縣分限三月府司院各分一月盜案即  
尋常案件統限四月州縣分限兩月府司院各  
分二十日命案以兇犯到官之日起限到盜案以起  
獲正賊之日起限故解審一案到省畧無留難加扣  
一日五十里之程限往返已須百日假如一案三犯  
例用六解九人百日飯資已非百金不辦再加投文

鋪監伴監鋪堂各費雖痛經裁革勢不能盡而犯到  
司府供稍不符即行發審府發附郭展扣發審限一  
月司發首府首縣亦展發審一月審上復駁別委他  
員又起駁審限一月并有撫院過堂時因案情未確  
駁回臬司而該司復發首縣另起審限者是正限之  
外可以發審等名目展加限期幾逾正限雖例有在  
意扣展嚴議之條而外省抵得以委署駁審挪移遷  
就故一素招解到省往返摠以百兩為期一紀所費  
摠以五七十金為率凡此費用皆由原投賠墊是故  
每案起解之時原投即以預支該食為名先措庫項  
借項不敷便指案稟求籤票及到省日久催投信索

接濟原役在家弄廢送省又復指案據票至再至三  
擇肥而噬該役既得賞票之後持票下鄉魚肉小民  
情狀萬變即有被害之家告訐到官勢不能不稍為  
袒護此書役之所為得遂其索詐之私用其水閣之  
技而滔滔不可禁止者也至于捕役以緝捕為職而  
獲盜到案招解翻供原捕必至覆家故盜賊者常逸  
而肥捕賊者常勞而敗問閭驚擾職由于此并有瘠  
簿之區貧役不能墊賠解費命盜等案到官收禁事  
主稍弱即薄加懲創不行詳辦者其民不習見殺人  
不死為盜無刑所以貧僻下邑民風更壞是故大獄  
之獄興源與小訟之不結小訟不結源于胥役之賄



欄胥役賄欄源于解犯之賠墊解犯賠墊源于發審  
之展扣夫流之濁者必澄其源湯之沸者必去其火  
此言正本清源之易為術也方今小民京控之件經  
部院奏請

交審者現奉

諭旨必須督撫親審不得轉發其餘小民上控經府  
司兩院親提或督撫飭司道親提司道飭府州親提  
者皆係提取全案之人證勢須隔別研訊互校供詞  
有非各上司一人之力所及者或猶需借助群才至  
于招解人犯已由本州縣研訊得情命案有兇器屍  
傷盜案有賊具方正贓方始定讞招解眾供確鑿備

載書冊解到府司不過核對正犯供詞是否與原審無異如州縣有刑求捏飾賄騙等弊該犯一見上司勢必鳴冤就供指摘果見冤抑有狀輕則駁回再審重或提案親鞫方足以得真情而昭平允今犯一到府即發附郭附郭與外縣誼屬同寅誰無情面假有翻異專事刑逼今依原供不問事理之虛實唯以周旋寅誼為心或經附郭以原勘解府該犯于過府堂時復翻者又仍發回附郭則拷訊酷烈更甚于前查知府之事較縣為簡附郭政務又較外縣為繁彼自須自理其民又代各外縣鞫獄非摸稜于發件即拋荒其本務況每府一年招解之案不過數十起而該

府尚不能自審得情必倚重于附郭是豈知府之當  
遠抑知府之必愚耶洎由府定讞轉解至司司又發  
首縣原

國家設官之制使賢治不肖不以卑凌尊今以各府  
讞定之獄而使首縣覆之是以縣監府也且臬司分  
尊一經親審假其案有出入府縣既不敢以私語形  
于稟牘欲假公上省面求則又緩不及事獄果寃抑  
易為平反至首縣與外府分同所屬外縣交若兄弟  
書札囑託餽遺瞻顧遇有翻異仍前刑嚇痛則思死  
並寃誰雪是則發審之本意原所以重刑獄而明則  
獄囚遭無辜之拷掠暗則解役增守候之得費迨解

役所費既多內以挾制其跡官外以取償于編戶展轉發審之弊直使家累民橫被害以書役既以辦公賠累得行其意于本官則一切聚賭窩娼已庇匪徒私鑄私販常人計慮之所不及者皆可無所不為言及此實為寒心臣愚以為招解之案命記不過一二人即盜犯盜犯人數較多事已明白無難問訊似不宜假手首縣致滋扶徇况外縣恃首縣稅回之力唯事資緣上司藉首縣指臂之功曲加聽受是以勘轉官頗指使使習為因循承審官任性市獄習為草率其關係政體尤非淺鮮若謂首縣明幹料不能出府司之上臣愚以為即府司勘轉翻異提案

親鞠及上控親提之件遴選能員幫辦查臬司在在  
省自有候補五倅州縣其中不無明白公事之人各  
府亦有同通省領幕僚各官俱可傳至署內別廳督  
研鞠在府司親省本有一月正限為期已寬似不必  
別起委審限期希圖分過益事稽延若招解之案皆  
責令勘轉官親審則承審官知案關出入即干例議  
自必虛中定擬且案件皆依正限完結解費可以減  
半計州縣招解各案互繫之缺每年不過計起簡缺  
更少近日外省攤捐各款如上司書投紙張飯食皆  
由州縣捐解兩州縣書投反須自捐辦公投以名義  
似有未協臣愚以為各督撫當酌量地方情形予藉

有捐款之中核其可以裁汰者從實議減而于各州縣自辦公事之紙張書手解費均以該州縣三年成案酌中定制作為該州縣捐款同現行捐款各條造冊詳報以昭核實庶幾該員辦公不藉書役出財遇有舞弊延擱飢法害良者可以直行已志執法嚴懲而無媿于心則胥役不敢公然擱案而親父民之官可以設法清釐塵牘不致釀成巨訟以副我

皇上宵旰勤勞辟以止辟之至意矣臣生長江鄉迺北各省情形或有不必盡同于此者謹據見聞所及竭忱繕

奏是否有當伏乞

皇上聖明

訓示臣謹

奏

為胡墨莊給事條陳清釐積案章成摺子

工科給事中

臣胡承拱跪

奏為敬陳外省積案必可清釐與新案不致再積之法以甦民困而飭吏治恭摺奏

聞仰祈

聖鑒事竊照外省公事自斥革衣頂擬杖徒以上例須通詳招解報部及奉各上司批審呈詞須詳覆本批發衙門者名為案件其自理民詞枷杖以下一切戶婚田土錢債門歐細故名為詞訟查外省問刑各衙門皆有幕友佐理幕友專以保全居停考成為職故止悉心辦理案件以詞訟係本衙門自理之件



漫不經心而州縣又復偷安任意積壓使小民控訴  
不申轉受訟累臣查案件雖關係罪名出入然一州  
縣每年不過數起即或未歸平允害民猶隘至于詞  
訟三八放告繁劇之邑常有一期收呈詞不至數十  
百紙者又有攔輿喊稟及擊鼓訟寃者重來留至較  
案件不啻百倍草草若斷決或一味宕延則拖累之害  
幾于編戶是故地方官勤于訟詞訟者民心愛戴明  
于案件者上司倚重然州縣莫不以獲上為心常有  
上司指為能負而民人言之切齒者此皆以詞訟為  
關考成玩視民瘼或以既得于上反恣意凌削其民  
之故也是以積弊相沿州縣舊案常至千署前守候

及羈押者常數百人廢時失業橫貸利債甚至變產  
典田鬻妻賣子疾苦壅蔽非言可悉近年封疆大吏  
皆知訟聽為恤民之首務積案為民之大端飛檄交  
馳飭屬清釐又派委員分起各郡專駐幫辦然未定  
以章程明示賞罰州縣詞訟無冊籍詳報可稽印官  
委員勤惰能否漫無覺察故印官奉檄若具文委員  
安坐郡城畧不事事上以名求下偽應吏治民風毫  
無起色查律例反處分則例開載州縣自理戶婚田  
土等項案件定限二十日完結仍設立號簿開明已  
未完結緣由該管河府州按月提聚取號簿查核督  
該道分巡所至將該州縣每月已結未結若干件摘

月造冊申送該管府道司院查考其有隱漏裝飾按其干犯別其輕重輕則記過重則題叅如該地方官自理詞訟有任意拖延使民朝夕聽候以致廢時失業牽連無辜小事累及婦女甚至賣鬻妻子者該管上司即行題叅上司徇庇不叅被人首告或糾被道糾叅將該管各上司一併交部從重議處又云上司批發道府查審以及奉文之日起限道府自行准理以告官之日起限又云審理詞訟衙門無論正署官員于詞訟審斷之後即令該吏將各案犯証呈狀口供勘語粘連成帙按縫鈴印離任時將一切已結卷宗造冊交存外其未結各案分別內結外結及上司

批審鄰省咨查并自理各項彙錄印簿逐一開具事  
由照依年月編號登記注明經承姓名造入交盤冊  
內并將歷任遞交之案檢事齊加具並無藏匿抽改  
甘結交與接任官限一個月查對出具印文由該管  
上司核明詳費巡道臬司存核臬司核明仍移送藩  
司入手交代案內若造送遲延者分別議處倘不粘  
連而不用印者罰俸一年未經粘連用印以致抽匿  
改換滋事舞弊降二級調用又云地方竊案經事主  
報官州縣諱匿不報者每案罰俸六個月不行查核  
之該管府州罰俸三個月又云申州縣申報竊案該  
管上司計記檔案于歲底彙查量記功過以為勸懲

叙簡明案由開單行知該州縣將未結之案飭令按  
限完納結申報並將一單移知果司申詳督撫查核  
如有逾限不行審結者照事件遲延例分別議處若  
冊簿內有將自理詞訟遺漏未經造入者罰俸三月  
由濫混填注者降一級調用係有心弊匿或未結捏  
報已結者革職府州查出揭叅者免議如不行查揭  
州縣應革職者府州降三級調用州縣應降調者府  
州降一級留任巡道查報不實罰俸六月不隨時  
查催者降二級調用查出弊混捏報不申詳督撫者  
降三級調用至上司批審時事件即責成批審之上  
司凡有已違一月之限摧提不覆者即指案移司詳

院查叅又云內外衙門小事五日程中事十日程大事二十日程並要限內完結若事干外郡官司關追會審或踏勘田土者不拘常限又云州縣審理詞訟遇有兩造俱屬農民關係大量踏勘又妨耕作者如在農忙期內准其詳明上事司照例展項至八月再行審斷若查勘水利界址等事現涉爭訟清釐稍遲必至有妨農務其餘呈訴無妨農業之事照常辦理不准停止仍令該管巡道嚴行查核申報如州縣將應行審結之事藉稱農忙停訟稽延者據實叅處道府不實力查報一并嚴叅又云各省有刑名等官每月自理事件作何審斷准與理拘提完結之月日按

計一年內報竊之案能拿獲及半者毋庸記功過不及半者每五案記過一次及半之外多獲五案者記功一次記過至四次者罰俸六月記功四次者紀錄一次緝獲前官任內竊案一案記功一次俱准其與過抵銷開單咨部查核各等語推求例意以府司皆有勘轉重案專責道員既不管獄定罪名是以將自理詞訟責成道員位尊足以資彈壓缺開足以資查核任轉專則無可推委議嚴則有所懲懼良美法意可云詳切無如外省辦案唯命盜及軍流以上罪名尚照定例扣限具尋常杖徒之案則于詳文尾聲明案係外結請免扣限字樣至自理詞訟各件則從

遵例按月冊報各上司者州縣交代之時雖造交代  
案冊申送然皆仿照前屆交代原冊略增數案各上  
司收受文冊從不核對駁問絕不聞有以隱匿遺漏  
案件揭叅之事及民人上控亦不提交代案件冊查  
核此案曾否造入卽州縣審結自理各案亦從不申  
遵例申報各上司無憑查核其卷宗除奉文提審之  
案從不粘連用印是以日積月累詞訟積壓盈千  
累百恬不為怪視民瘼若兒戲玩條例如弁髦相習  
成風牢不可破今若以數十年積弊而一旦繩以一  
切之法則外省大小各官無不被議勢必仍前朦混  
不肯使真情顯露似宜仰懇



皇上曠思宥其已往

飭督撫酌量地方實在情形先將積案清釐以觀後效查各省候補丞倅州縣及佐貳人貲無慮數百應由督撫嚴飭州縣將所有積案分出招解批審自理及竊盜各項按照月日摘具事由造簡明冊籍分別已結未結限文到一月內通詳申送督府撫再覈冊該核査派委人貲前赴該州縣幫同分投辦理其重案及條闊人命竊盜應緝城內詞訟俱仍責成該州縣自理所有各鄉詞訟及批發審人証在鄉事理較輕之件委員到彼會同本州縣督飭經承將各鄉分開約以方二三十里居紳擇一寺院公所委員檢齊

卷宗帶同諳練經承皂隸各二三名前往駐辦督撫  
俱先將清釐章程及民明問訟累疾苦愷切諄示廣  
發張貼其訟經年遠查核兩年之內原被告俱未呈  
催一詞者自屬民氣已平不願終訟摘出案由十起  
一冊詳銷仍榜示于署前及該鄉公所門首委員到  
鄉即摘出應審各案事由大書榜于公所之前聲明  
如有願息者除事關命件即同原被告協同戶族鄉  
地赴委員處具息請銷凡具息者除事關命件搶奪  
聚眾械鬥之外不許苛求駁訊其應審事件即票仰  
該鄉地傳集赴公所聽審量從輕減議結仍會同本  
州縣備摘案由載明斷語及息詞十案一冊詳結問

有被告遠出而原告負氣不願息訟者委員于完  
一鄉間卑移回本府州縣自理若原被告或有一造  
外出而其親族出頭調說具詞求息者亦即准息仍  
具摘明審息緣由仿照秋審榜示之例榜示公所之  
前曉諭眾目其榜仍准本州縣會同列銜委員約繫  
缺三四人簡缺減半委員不敷則以該州縣佐貳巡  
檢隔汎對調幫辦其省城詞訟臬司首府各委幹員  
勒限先清以為首倡府城附郭除上司委員外設府  
仍委丞倅先將城內詞訟率同清釐所有應行審解  
之案仍照原限不得藉口清釐轉滋遷延約計積案  
至多之省不過十餘萬起迤北各省詞訟較簡想尚

不及此數除去兩年不催徑行詳銷及兩造願悉竊盜應緝有一造逃出候提之案約法其半每省不過四五萬起分投查辦限以半年無不可以審結淨盡者上司以委員結案之遲速多寡分別功過與審結之案經半年無上控翻異者定為一等以次差之凡列一等者咨部分別議叙拔補按委以示獎勵具有審斷不公因循遲延及住城拖飾者立與嚴參蓋書役之長技在延擱使兩造不齊不能聽斷以遂其養業肥私之志必官自下鄉則官民相近鄉地一呼兩造可以自行投審胥役不能間阻如此則積案可清矣舊牘既清之後所有新案嚴飭州縣照例按月申

詳責成道負督催提驗督撫仍按季加造詞訟事由  
冊籍分別已結未結咨明刑部刑部科查出遲延積  
壓照例議處遇有民人京控之件則由收詞衙門行  
部科查核本案有無造入冊內其有未經造入者則  
係有心隱漏道員照循庇例嚴議院司府亦各議以  
應得之罪不事姑容是原告尚未解往而吏議已及  
部費打點無能為力則各知懷慎不敢觀為寬貸容  
代人受過如此則新案不致再積矣再州縣竊竊深  
積多功過不能相抵例有處分不能隱匿勢必認真  
緝捕不敢怠玩其有關於民瘼吏治似非淺鮮查近  
年風刁健上控京控之件日多誤益嚴監章程凡錄

經本管官審斷而輒上控者即所控得實亦治以赴  
訴之罪且愚以為州縣受理有正限二十日若民人  
控告已逾二十日州縣正限不與審理者即准其上  
控至道府各上司受理有正限一月又扣足提解人  
証限二十日及程限每日五十里如上司提審扣足  
正限及提解程途各項之外不與審理者即准其再  
赴督撫衙門控告督撫批審亦有正限一月如該民  
人守候又逾例限來京控告訴者責令該民人于呈  
內聲明在州縣守候若干日府道督撫各守候若干  
日果係已逾例限不與審斷者免其越訴之罪仍將  
各官照違延例議處庶大小各官自顧考成不敢任

意疲玩拖累良民矣臣愚昧無識生長田間謹据管  
見所及是否有當伏乞

皇上聖鑒臣謹

奏

皇清誥封奉直大夫河南永寧縣知縣加三級國子  
監生魏君墓誌銘

君諱同字應乾晚號健齋江蘇武進人也父璣以孫  
秉貴貤贈奉直大夫妣王氏贈太宜人君性穎悟泛  
覽百家尤好內經素問金匱諸事遂并舉子業而專  
治之既久鄉人有積年沉痾及異症為方書所不載  
者而君診之皆痊名遂大起君治病之旨在審病者  
體之強弱性之靜躁與平日之所嗜好然後證之以  
目脉而得其致病之源又窮究物性相助相剋之故  
而比擬以神其用故有同症異治異症同治雖善醫  
者視其方多所不曉君為剖之則皆嘆曰非所及也



君所入既漸饒有米數百斛值大饑將以平糶所知止之曰各處飢民肆掠更不能問救勿繼必有後患君曰吾擁多穀而視鄉人飢心不能自安事變果出豈能預計耶糶之不旬日而穀盡後自至者君指空囷示之皆曰先生盛德不欺人患散去無異詞有鄰人不戒于火君告家人曰吾自問無應<sub>應</sub>應不患火火既滅環君宅者皆灰燼矣無賴子夜縊于君之隣孫氏孫移其屍而叩門以告更夫沈保郎見之願為切證君戒沈勿言即具報驗訊給理葬而案結沈詰君君曰彼自圖賴耳孫懼禍故為此非以仇我也若言之則孫以移屍陷罪且傾其家而仇尔後齒豈如

我費十緡鄰里相安之為愈乎沈驚服而孫尤慚感  
多君長者君之不辭若累掩覆人惡胥是類也君長  
子襄以嘉慶乙丑進士分發河南即用知縣補永寧  
迎養君手書示襄曰吾為鄉人治病弗能離兒母自  
率子婦來耳吾不習吏事然吾業醫五十年醫之所  
入不以事君積財之所出不求虛名是以行年七  
十而無大不安于安心者吏道殆如是矣吾今有市  
屋數十楹較少時生計優裕已多兒又幸以進士為  
長吏若繫念家室營私廢公即倖逃吏議吾不樂有  
是子也勉之矣十六年襄舉卓異調洛陽君又手書  
曰兒去永寧有姓扳轅之聲至江左兒學力不足以

致此審笑是必有要譽市恩者以愚美小民非實心  
實政也吾甚憂之初至洛陽即開倡修學宮文教固  
長官之責然而至宜先問民間疾苦勞來撫慰之信  
而後勞今所先若此是為名心所使失其次矣其通  
治體知先務如此嘉慶廿四年六月廿九日卒于里  
邸年八十有四配長洲王氏 誥封宜人子二襄五  
品升銜山東招遠縣知縣袁國子監生皆側室符宜  
人出女子子六適某某孫五秉秩秋穀頴襄在洛陽  
奉文王宜人諱去官服除謁選得山東招遠君訃至  
襄將奔喪治窀穸予適在山東以誌幽之文為請故  
次其行事而銘之曰士人貴自信其志不迫名者名

歸之曰祿雖財不敢肆有子人稱君子子遺澤始今  
永世世

庚辰九月為所親條例八事

一案件積壓至為閭閻之害本并恭逢

太赦除十惡謀之外已發未發已結未結咸與前除  
有以赦前事告訐者罪以其罪在民控訐則為誣告  
在官受理則當為故勘然民間田土界址錢債婚姻  
仍應與剖斷結正以杜葛藤此等案件既屬無多所  
有應得罪名又不可援  
赦尤易了結應請

飭行督撫嚴飭所屬將以上各舊案摘出或勘或訊  
悉與判結則積牘盡清新案可以隨時審理不至再  
有積壓拖累平民其奉行不力延擱偏袒釀成上控

京控者即照易結不結例叅處至前後京控奉  
旨交審及部院咨發各件一體分別應結應銷遵照  
恩詔事例悉與查辦

一州縣自理詞訟例載按月摺報由道員查核是否  
依限斷結從前各州縣積案餘多並不遵例摺報止  
于交代時造案件交代冊由道員核送臬司轉送藩  
司入于交案具冊內開載寥寥數件久成具文本年  
恭逢

赦典刑獄擴清可以申明定例釐飭官常應請  
飭行督撫責成道員嚴飭州縣將自理詞訟遵例將  
已結未結及如何斷結之據按月摺報由道員查核

其有隱匿遺漏草率遲延俱照例移司詳院恭候道員失察及拘庇者由督撫照例叅處庶小業不致再積免釀大獄也

一外省攤捐之款日多一日大州縣有每年攤至七八千金者小州縣亦不下千金以廉抵捐數常不敷州縣官上虧

國帑下蝕民膏常以此為藉口查各省訟事如承辦科場鋪墊供給公項不敷承解顏料轉本撥船冰脚不敷勢不能使一人獨任賠墊自應通力合作全省攤幫至院司書役紙張飯食鹽菜提塘報資俱係耗羨項下作正支銷之款其<sup>各</sup>上司自出告示自應捐備

備紙張定例嚴禁攤派近來各省任聽奸胥巧立名目逐件稟請詳攤每省每年至有數十萬兩之多應請

飭行督撫申明定例嚴行裁汰其院司書役除額設之外的酌留貼寫辦公其缺主盤踞冗役朋充概行革革以節浮費而杜招搖如原設紙張等費委實不敷該督撫將該省耗費通盤籌畫酌量奏明加增則書役既足辦公而州縣亦無所藉口以飾其貪黷矣一各省司庫皆有附貯之款多者至百餘萬少者亦數十萬通計各省應不下千數百萬兩存貯多年並不報部撥用止于每年辦春秋二撥之時隨撥冊報



院積數日多存庫又久難保無訐胥乘機弊混之事  
應請

飭行督撫查明報部酌量撥用以杜經費而杜舛錯  
一外省保舉人員雖出切實政語而無切實事蹟應  
請

後

飭行督撫嗣候保薦升補人員應將該員歷過任所  
從前如何難治該員到任之後命盜竊盜以及自理  
上控各詞訟逐件減少若干分數是否任內無被參  
京控上控之案從前拖欠錢漕近已踴躍輸將是否  
年清年款切實成效叙入摺內以憑

飭部查核不得僅加虛獎致啓錯謬其本屬易治之

區而該員到任後轉致案件繇多錢漕拖欠者即以  
啓庸叅處一外省奉

旨交審及部院咨交之案例限四個月兩個月不等  
逾者叅處若任意展扣則處分尤嚴迨來各省多有  
欽部案件延至三四年不結者其弊由于刑部主核  
覆吏部主議處限期有應准展扣不准展扣之分吏  
部未諳刑名唯照刑部來咨查判定議刑部又以叅  
處逾限事屬吏部唯核明案情應准應駁于限期一  
節竟置不問以致兩部書吏彼此關照使外省得以  
任意展扣且有遲延太久無可措詞者摺尾竟不聲  
明是否逾限刑部既不查詰吏部遂至無案可稽兩

以外省拖累無辜羈候省城經年累月者一案常至數十人擾害良民若莫此為甚應請

飭行刑部責令嗣後核覆案件即將審限應展不應之處確切于本尾聲明其有應叅處者知照吏部議處督撫摺尾不聲明限期者一并叅處以挽痼習一各部各司皆有則例永為法守司員果能悉心推究何難通習況遵例不遵案疊奉

大行皇帝明諭尤為簡約易循然部中自日行稿案以及奉

旨交議之件堂稿出于司員司稿出于書吏書吏又別請稿工引案附例上下其手是以外省事無大小

部費為先堂司各官莫不欲剔除書吏之弊然不能  
明晰例案欲求權之不歸書吏稿工其可得乎應請  
飭部院大臣轉飭實缺及行走各司員限三個月內  
將本司則例詳細講求三月之後集而攷核之其能  
約記例文及通曉例意者定為優等酌量鼓勵其全  
不諳曉又不上緊學習者分別撤任降捧以觀後效  
如此一二年間迭經攷部中司員皆明例察書吏  
自然無權不能舞弊矣外官知部書無權一挂吏議  
無可挽回自必飭其廉隅且該司員等將來內擢鄉  
寺外放道府亦得駕輕就熟效至部院大臣亦宜時  
以例案自課于司員晉謁畫稿時隨事詰問以造真

材

一外省公事皆有幕吏佐理是以書吏之權較重  
內然幕友與書吏結聯為奸則惡迹可究結定刑  
司幕友不許過五年後任不許接前任舊友違者議  
處甚嚴原以日久則弊生不可不防其漸也近聞外  
省院司幕友甚至有盤踞數十年連接七八任者其  
弊由于督撫兩司道府同在省城官雖互相監轄幕  
則連為一氣一處換官則三處之故勢力相援禍有  
生手參錯其間則三處勢力傾軋必使之招延舊友  
而後止該幕友皆住家省內年深月久院司書吏寄  
走其間通書遞息曾無間隔且每遇案件授意書吏

先查成案具請稟請示幕友即于該書稟上批准更  
送加批駁俟該書再加三撥案稟辦仍復准其原稟  
在本官見幕友批駁該書以為稟公不知該書實先  
受幕指以為騰挪日期外間議增賄賂之地即有精  
強之負難保不墮入術中若稍近關冗則唯拱手受  
成而已該幕等根深蒂固招聚徒從薦與府縣管理  
刑錢重務府縣知延其徒從則公事順手并可藉為  
闊通外省吏治之壞多由于此應請申明成例  
飭行督撫將盤踞之舊幕概行驅逐別延有品績學  
之士依佐理亦不得逾五年定限則書吏與新幕既  
非素識心有畏懼而新幕無其水書吏為水牙彼此

願忌不能任意忌為再武職在省委署即補缺時必先攷弓馬具升補俸滿引見亦必先于兵部堂考弓馬文職之律令即武職之弓馬也應請

飭行督撫于初選人員到省照攷教官之例核明是否通習律令分別等第以為進退其俸滿升補人員引

見驗到後由吏刑二部會同考核既以知該員之賢否又以驗督撫之是否奉行如是一二年外官皆明于律令幕友書吏自不能勾串賣法于吏治民風所係匪淺

三溪趙氏續修宗譜序

嘉慶庚辰孟秋旌德之三溪趙氏以宗譜修于康熙丙戌閱今一百一十五載歿者久慮其易湮生者多恐其無紀至僑寄去籍尤懼其渙散流離將至不可攷詰金續修其族人有幸珉者曾游前曾以記贊助祠費故祠長走書囑李珉求郡下之明礼尚能文者為之序李珉因奉舊譜介其鄉人劉勲沼乞言於余余謂隋氏以前譜牒掌於官李唐以來選舉未闕民氏族其學寢廢宋人始自為族譜以合其宗至明而大盛凡聚族而凡居者莫不有譜然或世次不明攀援他望或居處不一收併殊源生誣其親下亂



其宗令三溪趙氏斷以初遷為一世祖而別紀世系  
夫派于卷首其自三溪遷往者則又詳紀世次明注  
方所祖確而宗治善矣凡載于譜者皆書其世卒往  
跡其有懿行宦績者則別為立傳又各為主針補于  
始祖之祠而祭之或者謂先王之制大夫三廟故家  
儒常祀三世或以為當及高祖今祠祀其先不啻數  
十世為非礼然禮云別子為祖繼別為宗太宗百世  
不遷族人為宗子衰齊三月貴者以牛牲祭于宗子之  
家先王立大宗以收族尊祖故敬宗族人百世以高  
祖之服服宗子所以尊別子也宗子奉祖以收族別  
別子之有祭必矣竊謂宗法雖不行于近世而有祠

召集之有譜以序之則大宗可見故譜者下以合族  
上以明宗使人親親而尊祖也然而入之情久則怠  
怠則忘譜牒已閱數世各支分受而弄藏之于其先  
祖之嘉言善行不能稱述者蓋亦多矣逮聞續修之  
說則凡為子孫者莫不振作奮發搜求祖若考之行  
業以期登家乘而子姓生者之名及徙居他郡邑者  
又皆以屬繫于其後橫行斜止展卷可得將毋曰謀  
也盛謀也衰而推求其所以致此之故於是發無添  
之鬼懷幹蠱之志遂以興孝弟崇惇睦然則續修宗  
譜固非徒紀世次明生卒已也余既深嘉是舉遂按  
其舊譜而次之曰三溪趙氏源于天水其始遷祖曰

崇贊系出宋太宗第八子周王儼儼至贊九世贊家  
于杭淳熙初為旌德汪氏贊婿遂家三溪贊之六世  
孫同盟以太祖所頒玉牒分太祖太宗魏王三派各  
立十四字周而復始而太宗派十四字中有永字難  
以命名別立二字以冀為首同盟長子冀聖父謂  
趙宗本三派合序照穆考更派字後將不辨其自  
冀字以下仍依宋牒原頒之字故案琅序贊為三派  
世上溯周主為三派世凡三溪私派之序較庶派  
皆後一世云

為江蘇提刑誠述堂通札所屬

札某官知悉照得廣思所以集益求助必先諮詢雖類若畫一成法可守而因地制宜治道所尚本使司恭膺

簡命陳臬此邦宦轍初經土風未習徒懷興利除弊之心不得挈領提綱之術該某官供職有年講求素切大則事

關通省小則一郡一邑無論現蒞之邦舊治之地果於民間疾苦確有見聞或有事權較輕未能選舉或以量移太

速未及觀成但有真知確見可以裨益吏治民風者如係本使司專政之事即時採納施行其應詳明兩院憲及會同藩司各道者亦即據情詳咨熟商辦理既以匡本使司

之不逮亦足覘該員之才識所至以備任使即有迂遠不  
切之談本司使斷不以此見責其各直抒所見逐條開摺  
悉心詳陳毋存隱飾至於佐襍微員近民尤甚但通政體  
奚限官階札到該員即抄錄移行所屬俾其各言心得逕  
申本司務使民隱得以悉達襄舉善政此係本使司虛懷  
求治之衷惟望同舟共信以期相與有成竚切竚切須至  
札者道光紀年四月十二日

為誠提刑通示合省

為諄切勸諭以正風俗而息訟源事照得明刑所以弼教  
道政先於齊刑欲息民爭務救俗弊我

皇上御極之初首

飭命吏崇教化之源繼

諭齊民遵婚喪之制明禮所以防未然先教所以挽積習  
聖意諄切薄海周知本使司恭膺

簡命陳臬斯土頗聞濱江諸郡士風秀穎沿河一帶民氣  
勁直最為大省夙稱易治然好文之弊易近浮華尚武之  
流易鄰刁悍則有尋常宴會必窮山海之珍製造冠裳競

為奇巧之飾甚至以聚賭為謀生之資視狎妓為敬客之具奢能敗俗先自陷於滔淫事既犯科尤授人以挾制又有席厚之家負氣之子拳拳勇以助勢養訟棍以樹威常至睚眦小怨弁訴連年口角微嫌喝令成獄抑思出拳養匪徒之資為睦姻戚鄰之費則群情頂戴乾餽無愆積善留貽降福可必豈有構怨結忿蕩產亡身之禍哉更或覬覦官荒垂涎滋漲藉詞子母則用沙棍之謀倚勢欺凌則資沙虎之力利能昏智巨訟必覆其家天道好還驟冊并累其後有力置產何必為此至於訟棍亦讀書識字之流拳勇皆手足便利之輩自食其力儘足養生又何取多行

不義自貽伊戚耶本使司職主提刑時切無刑之志官名  
廉察不以苛察為能固不肯假耳目於近習致啓報復索  
詐之風又豈敢博忠厚之虛名反長蕩檢逾閑之俗為此  
示諭闔屬紳士軍民人等知悉務宜各執其業各安其分  
以終凶為戒以有恥為期為

盛世改過遷善之民成大省聲名文物之盛將見貧者不  
終於貧富者長守其富則本使司之所厚望也倘若教而  
不改是謂怙終法所必加焉能曲宥過奢淫以裕民生除  
強暴以安民業固本使司之職守也後悔無及各宜凜遵  
頒至告示者道光紀年四月廿五日



金孺人五十壽序

道光紀年之仲秋予薄遊武林金君庶仲以赴布政司試先在既揭曉庶仲不得于有司將歸來告予曰今年十一月吾母壽登五十書不能得一第以為吾親歡幸遇吾子乞吾子之文為壽使吾母懿行得傳子執林而可以共信遂言曰吾外祖黃公夢輝吾邑之望也母氏為其季女至鍾愛然不以愛故弛保姆之教年二十二歸先庶常君先大父治家嚴而敬好賓客吾郡及毘陵名知之士常往來無早暮咄嗟具饌腆皆吾母躬親儲胥嘉慶庚申庶常君試涼州時書方四歲兄讓六歲母即加絕約不以頑稚少姑

息寬假立成庶常君成進士未幾染疫歿于鄉下凶  
問至母氏恐重傷大父意含哀茹苦而已然自此督  
書兄弟尤嚴切誨之曰禮有之寡婦之子非有見焉  
則弗與友謂其長于婦人之手必失教無足交也汝  
兄弟能繼先人之業成未竟之志使吾不負託言者  
則庶幾不負未亡人矣大父嘗以語鄉人曰二孫失  
幼而失怙怙吾不忍過督責之然言心懼其無成今  
日母明大義如是異日常可望豎立也先是母氏在  
室時外祖母卒有季弟方孩母撫字之及來歸先祖  
母卒六井父方七歲庶祖母卒七叔父方四歲大父  
皆屬母撫之恩勤備至居大父母喪盡哀而合于禮

閻鄙無間予應之曰予以庚申冬至欲得奉教于君  
之大父奉直君伯祖修撰君諸父中部書禮部日相  
過從唯未與庶常君相識修撰明鄭氏學為儒者宗  
而庶常文筆斐疊有作者之遺意所業未卒今庶仲  
年弱冠已能貫串今古修庶常之緒而昌修撰之學  
人子之於親也稱之無常心不至今庶仲述頌母德  
皆家庭日用之庸行觀庶仲之篤學恂恂而節母之  
能教子可知也既無無忝于母道其無忝于妻道婦  
道又何知也庶仲與諸兄能秉懿行跬步不忘以彰  
母氏之德庶乎詩人所謂明發有懷者矣過合遘速  
庸衆之所以娛親者何論乎況君家世南隱德餘慶

之原矣厚又重以庶常之留貽節母之積累其培風  
而駿發者固無量耶予不能為世俗之辭庶仲歸其  
即誦此言以為賢母壽古歛多文學君子當不謂賤  
予為善說也

畢孺人六十壽序

士大夫之匡君也莫不窮究古今聞聖賢之蘊以植  
令名其入仕也莫不欲講求利病卹閭閻之艱以不  
負所學然世之言學言治者相環而要其歸能無慚  
初志者蓋亦罕矣至于婦人其事夫也則以簪珥紉  
綺為念其訓子也則以田宅叢彙為急而夫若子以  
室家之故擾其心而累其身學術之不成治道之不  
飭大半由此此詩書所為述周室之興頌文考之無  
罪者必推本于父母之責而能勤富而能儉至傳記  
魯敬姜為穆伯之妻文伯之母乎其言論風采備紀  
之以風示後世而唯恐其不詳者也畢孺明府壽

母顧夫人者孝廉靖山先生之德配故陝西兵備道  
晴沙先生之愛女故兩湖總督秋帆先生之猶子婦  
也兩族既貴盛又其時勅力豐盈官轍華顯官保建  
節秦豫齊楚之郊者廿年羣從子婦爭集節署以靡  
麗相矜尚夫人獨與孝廉居里門如寒畯兵備故名  
進士以詩書馳聲天下夫人在室時已通習史傳孝  
廉雖事舉子業而性考鏡得失既得夫人為配商榷  
尤精核及官保卒于官未幾為匪人所搆廉俸所積  
皆被籍羣從窘迫獨太夫人持其家豐歉如初孝廉  
舉進士不第欲絕意進取夫人曰與時流爭一日之  
榮豈若與先民爭秋之業乎夫子決之矣子節舉于

鄉連躋春官遂就教習以知縣謁選戡掣浙江子筠  
遠遊十年乞假歸省而孝廉著書已盈尺以授子筠  
曰吾治經所為必詳于名物象數者為其皆關實用  
也今汝得從政以吾所見言之施行則吾雖不見用  
于世豈有悔哉子筠以浙江去太倉綿數百里一水  
可達欲以扁舟迎養夫人曰以官為家非吾素志也  
況汝需次省垣食指繁則供賃更費多舉子錢尤非  
汝父以儉養廉之訓汝至浙能勤于所事故大吏和  
同以必達民隱則庶幾所謂養志者矣子筠性溫克  
弱如不勝衣喃喃如不能出諸口而獄獄則委曲盡  
刑情偽遇有當稟白者侃侃不可抗屈同儕莫或先

之相怪予竊初筮仕而明練君若此久矣始知其奉  
教子嚴君者深然孝廉中貫數千載以固將以嘉惠  
東茲未僅能泚其哲嗣而夫人以以膏梁愛惠能佐  
夫以成其學術訓子以飭其治道雖以比古之敬姜  
何多讓焉道光紀年之秋九月夫人周甲辰予薄  
游武林子獨先期乞言以侑觴故備述所聞以質孝  
廉母亦謂其是非不謬而可備子竊三益之數也  
夫



書李三進事

校

四庫全書

李三進字蓉湖杭州舉人不第

軍機章京值

純席于詔獄出故大學士李侍堯以三品服程甘肅  
獄獄奏帶王為司員王入謝李公曰若出身科目直  
樞廷摺奏事以交若王對不能李公曰如此則速延  
一友王遂以李公名東延三進而李公以為王友也  
不具賓主禮同行五日李公眠錦輿文武伺應者皆  
不得上謁三進語王曰李公雖貴然居停當先拜友  
人王委婉言之李公召三同飯三進因言中堂當勞  
力途中大小文武頻見之午以前乘馬午後乃坐轎

李公不答飯罷三進出李公曰吾見友人多矣居停之騎馬坐轎非友人職也此公恕不能了事明日入山西界巡撫出迎以

廷寄及履奏稿示李公略言李侍堯一路見大小文武皆極口感頌

皇仁雖年老然日中前必乘馬午後乃坐轎李公大驚自以重三進甘肅進止一以委之李公留甘肅署總督嗣以固原失機為福康安所劾被逮入都福公時以一等侯署陝甘督篆欲留三進三進不可福公語兩司曰李中堂吾舅氏也不敢以私廢公李三進實佐其事吾附片紙即取其頭彼何敢貧賤驕人如

是兩司以告三進即上謁福公喜迎之三進至二堂  
長跪曰請君侯升座受囚徒辭福公驚快曰先生何  
至如此使僕負罪三進曰君侯欲以李中堂逗遛罪  
加三進可以三進頭然不能得三進為君侯佐理也  
三進寒峻依人唯知府主君侯親劾李中堂即從君  
侯異日來者又勅君侯又從來者此豈李三進之所  
為耶福公拜曰先生高誼不敢屈顧奉一卮為租  
道並以白金萬兩饒焉三進從李公入都周旋詔獄  
間十八月李公復出為兩廣總督深德三進以三進  
年少約為叔姪

世臣曰三進可筆委曲切事情能狀人所難言斯

未易才也。余曾見其少時批注毛鄭詩，學識固有過人者。然李公委任至深，繼入浙江巡撫福崧幕府，言聽計從，曾不能少紓民間疾苦，而使府主所至以賄聞，何與所學之矣耶？然揣摩聖心，至于乘坐以危詞，析鉅公抑何工，而且正也。李福雖勢要重臣，然尚有求賢自輔之心，故三進得售其術，使居今日，揣摩愈工，吐辭愈正，則招忌愈甚矣。諱不云乎，其何能淑？載胥及溺，有不溺者，必其淑者矣。

為直隸承宣陸心蘭通致所屬長吏

言初至直省地方情形諸未諳習然前此兩任京職久居本境三官東土近在鄰封頗聞直省地瘠民貧又差務殷繁苦累尤甚惟順天二十四屬伺應

蹕路民累而官亦累其去京較遠之區派差里下民累而官反樂哉

皇上惠澤畿輔無微不至本年冬差

特減車輛閭閻輸納供億

清塵固是分所應為尤屬出於至願然紳士既免徭而而稍有力之家指捐職銜即入優冊是唯終歲勤動之農民方供

襍派優免既多飛洒益重在諸君子身為民工目擊重困未必更存自利之心然內不能不委任家丁書役外不能不假手地保里胥侵牟愚弱微一科十理勢之所必有迨至痛極籲號而議者又以事關全局難與伸理言來自田間風知稼穡出守閩中切近州縣官常累况亦已漸志東坡有言士大夫莫不愛其同類然官吾類也民亦吾類也竊嘗謂以一家而論則為官之人少而為民之人多以一身而論則為官之日少而為民之日多即如宦遊外省戚友過從未嘗不詢問本地父母官治行何似固未有以縱吏為能虐民為得者也求仁莫近於強恕取則不遠於伐柯我心所同無煩贅說言

謹與諸君子約來春辦理差務當本年劇災之後即有收州縣亦多附近災區必期一率舊章無增有減革除積弊少寬民力則言得相安無事藏其穰拙幸甚幸甚若仍有洒派不公以及賸民自植言身居屏藩曾不能少紓民間疾苦平日讀書所學何事而尚能覲然為諸君子之長官也耶御下如東濕薪固素性所不肯為然一家哭何如一路哭書之史冊以為至論言雖不材又敢上負

聖恩下孤民望以博寬厚之稱於百數十員屬吏乎言聞有司更換之際吏胥因緣為奸供億迎送於民無益然至其不得已也則兩害相形必取其輕唯望諸君子共體此意毋使

言之必至於不得已也

為民設官古今通義所為尊卑相維者原以力能舉事則上  
游足以有為而洞悉民隱則州縣得之切近諸君子宦遊直  
省閱歷有年民間疾苦亮多加意而或事有牽掣勢難徑行  
或不時受代未能竣事或差次體察權不由己是皆卓見在  
胸長才未試利關全省固屬鴻猷害除一邑亦為隱德言承  
乏下車情同牆面雖懷勤求之心未得誠和之要倘荷諸君  
字念切同舟不吝教益各抒所見以匡不逮勿拘體裁唯祈  
迅速說果可採言必陳明大府商同司道漸次舉行即或意  
見不同亦微心乎好我言接見諸君子有所聞知無不披露



此百  
清江  
知  
可

老皆能言之閣下若不弃芻蕘就近取觀或有可備採擇者  
如蒙鈞裁察核喻知當路使之內外一心將見百廢具舉又  
非但河漕一節之立臻平成已也若任其泄泄誠有如鈞指  
所謂稍事拘泥則其弊不至不可收拾而不止者世臣雖草  
茅伏處原其利害實亦切身故敢錄滌室答問舊稿附敝鄉  
沈廷桂上舍赴試之便囑其轉呈臨楮皇恐伏惟垂鑒道光  
乙酉五月十八日世臣謹狀上

原期交勉有成並非時勢矜己惟望諸君子鑑察言心毋有  
所隱

人之才具相懸而性同一善行徑萬變而道無異趣古今稱  
吏治者必曰循良凡以循良者有心人可勉而至故史傳紀  
之以為百世法也孔子曰有能一日用其力於仁矣乎我未  
見力不足者康誥曰若保赤子世之養子者固有善不善之  
殊矣而其子皆得長育成立則以母氏之求之誠也故其識  
見警敏更事繁多者習肯誠求效可立致即或資性遲鈍初  
登仕版廉養於儉拙修以勤人一己百強明可必古史所稱  
居官無赫赫之名去後多留人思者此其選也更有累誤習

染素行不撓震无咎者存乎悔往昔賢豪如斯不近世郭  
尚書初任吳江頗著貧酷暨湯文正公撫吳郭公改行與陸  
清獻公並邀行取為世名臣假郭公以失足自弃其能免登  
湯公之白簡而為後世言惡者所稽乎諸君子起家科甲入  
官固由服古其或借徑異路亦必夙業詩書凡所徵引諒皆  
習聞南宋王梅溪以黃堂樽酒感化所屬言顧何人敢企  
漢唯區區之心不敢厚自菲薄故誦習舊聞願與諸君子共  
勉而已

孟子曰欲貴者人之同心孔子曰富而可求也吾亦為之聖  
訓彰彰如是而宦途猶有導以奔競為事者亦可謂不善讀

書吳言自知不敏公慎風矢民譽民望則加旌擢聚所欲也  
積勞閱俸則與量移遵定例也至缺分肥瘠人殊甘苦悉心  
調劑以期均平竇恐偏累誤公非關為人擇地言現在辭酌  
正佐班次劃定委補章程至於酌委之缺或因整飭地方或  
因調劑勤勞心迹難掩見聞爭訐必加懲創諸君子務宜自  
愛勿受惡弄勿求繫援幸不掛於彈章已見鄙於清議近來  
民氣懷薄必期共挽頽流諸君子級無崇卑分皆長人各飾  
廉隅以為民倡庶幾廉讓之俗可見而頽懦之風可息也勉  
之望之道光二年十一月二十六日武林陸言謹白

記直隸水道

道光二年仲冬就食直隸承宣使署調閱架存各州縣所送地圖貼說及漳河舊卷將現行水道撮其大要著於篇分畿南北東三路其西路迤南者歸南迤北者歸北先畿南者以漳水最關利害又所經道里至長也行篋無書籍可核對不能悉詳其遷徙之故矣

畿南

漳河其水勁疾剽悍遷徙無常有清濁二源一出山西平定州一出山西潞安府合於河南林縣會流東至交漳口潞縣之大邳山入古黃河北禹貢所載底績故道也自漢以後黃

河南徙下流淤塞始改由直隸境入海凡有三道始自磁州  
邯鄲永年曲周北趨漳沱河入海是為北道後又改由肥鄉  
廣平阜城東光入海是為中道其由大名府之舊魏縣元城  
至山東之館陶入衛初為中道之支流後遂為南道康熙中  
北流漸絕後南道屢決而魏縣大名縣兩城淹廢北中兩道  
遂絕而南道益潰敗乾隆中遂決河南臨漳縣之三臺地方  
南決至內黃挾洹入衛而漳衛交匯之寶公莊河受淤衛水  
不暢南決內黃之袁村埧下注直隸清豐縣之潭坑地方直  
省乃于潭坑下開引河引水至大名縣之岔河嘴北入衛而  
南北兩岸河南之安陽臨漳內黃湯陰直隸之清豐大名元

城南樂各州縣民田年年淹浸

滏陽河出磁州由邯鄲永年曲周平鄉至鉅鹿入大陸泊合  
滏沱

滏沱河出山西繁峙縣合雁門五臺諸水至直隸之井陘平  
山又合固關諸水由獲鹿靈壽正定藁城至束鹿之大陸泊  
又合滏陽河東北由武強至交河分二股一股由獻縣東至  
青縣入衛河一段東北由文安大城至天津由大清河入海  
滋河出龍泉關由行唐無極深澤至祁州會沙河唐河入猪  
龍河

沙河出阜平由曲陽新樂至祁州入猪龍河

唐河即山西滹水出渾源由靈邱至直隸倒馬關由唐縣望都至祁州入猪龍河

猪龍河上合滋河沙河唐河下由安平蠡縣至安州入易水  
易水出易州合涑水由定興至容城合白溝河至雄縣合猪  
龍河并完縣安肅之無名小河兩道由霸州永清入桑乾河  
白溝河出廣昌流入拒馬關名拒馬河至涿州與房山小水  
合流至新城名白溝河至雄縣入易水

### 畿北

桑乾河即永定河古之無定河亦名渾河渾言其濁無定以  
其河係流沙倏深倏淺而名之也出山西朔平府入直隸西



寧合蔚州諸小水由懷安至保安合洋河至懷來合媯水入  
紫荆關由良鄉固安至永清會易水至東安會潯沱又會衛  
水由天津大清河入海

洋河出山西陽高縣入直隸萬全至宣化合邊牆外小水東  
南至保安入桑乾河

媯水出延慶州至懷來縣入桑乾河

### 畿東

白河由塞外入獨石口由赤城出邊牆又入密雲邊牆至縣  
城南會潮河由順義至通州會

京師海淀諸水由武清東安至天津入大清河

潮河由塞外入古北口至石匣鎮會曹家路諸小水至密雲城南入白河

薊河一出平谷一出遵化州由玉田至寧河出直沽口入海  
灤河受塞外承德府界宜孫河熱河柳河諸水入喜峯口至  
遷安又合塞外諸小水至灤州由永平至樂亭入海

大清河相傳為禹時海口然與碣石東西相去且五六百里  
傳聞之誤無疑又名三岔河以白河由北入渾河由西入運  
河由南入也然渾河又有別道可徑入海則俗以大清河由  
東去當三岔者近是

直省瀦水之地有三廣平冀州之間則有大陸寧晉二泊以

潞大順廣諸水俗名南九河順天河間之間則有趙北口以  
潞畿西真定趙州定州諸水俗名北九河又名西淀跨淀有  
十二連橋為中大道天津則有三角淀以潞渾河又名東淀  
東西兩淀近多淤塞而土人佔種茭蘆阻碍水道文安大城  
兩縣介兩淀之間地最早下故有破了文安窪三年不歸家  
之諺直省水患頗仍多由於此

代大名兵備富敬齋爭堵漳河決口 稟戴使相

敬稟者竊職道于上年除夕將大名等四縣被漳河決口衛  
河旁洩各水成災及上年水勢直趨郡城恐掣動大溜害及  
城池并應否堵塞馮宿村決口加寬濬深臣公河各情形專  
丁馳呈中堂并抄稿稟明直督憲在案新正初四日丁回接  
奉中堂鈞諭初六日會同豫撫憲由永和田市一帶查至楚  
旺等因職道旋於初八日督同該府守令馳至楚旺迎謁  
蒙中堂面諭馮宿村決口以下並無河槽現擬將正河挑復  
而新決口門且不堵塞使漳河兩行各走五分溜勢試看一  
年再商具臣公河自宜加挑寬深唯查該處向係鹽務自辦

等諭伏唯中堂熟諳河防恭膺

特簡自必會同豫撫憲籌畫盡善職道守土下吏豈容妄叅  
末議惟是大名地處下游上年受害實為切膚恭讀

諭旨內有漳河關係直豫兩省民田之語

特遣中堂前來相度是直省灾民不堪叠浸下情已蒙

聖明洞察若職道隱忍不言則無以上對

聖主而下又何顏以見灾黎乎職道前稟馮宿村决口之水  
淹及大名府附郭兩縣各村莊袁村坝旁洩之水淹及清豐  
南樂大名三縣各村莊共計二百數十村莊者專指現被漳  
衛兩河水患而言也其實清豐南樂上年被水輕重不等尚

有四百餘村莊皆因袁村坡水奪占新開引河使各村莊積  
雨無處宣洩以致被水而肥鄉廣平各縣之水向由大名縣  
境宣洩亦因漳河橫決頂阻去去倒流上泛皆成巨災合而  
計之上年因漳衛兩河以致失收者不下二千餘村莊約計  
撫卹大賑修費以及蠲緩銀米不下二十餘萬兩又大名北  
境之紅花堤被漳水漫決淹及山東則必宜堵塞決口挽回  
正河將濬出正河之淤就兩所舊堤加高培厚其豆公河估  
挑寬深亦將濬出淤土剗築素村堤一帶東西兩堤至漳衛  
合流之後河身如有窄狹之處一體加寬使能容受具入職  
道境之張二莊以下至岔河嘴五十里內河身比較下游一

帶皆形窄狹查河身遇岔河嘴即寬至二十丈以外從無漫  
溢之事而迤上河身止寬十四五丈不等竊擬加寬五丈使  
與下游一律其豆公河既係鹽務隨時挑濬此次若估明土  
方移知鹽政籌款歸入大工妥辦在鹽務併出數年經費得  
免歲挑戕淤之煩苦想亦鹺商所樂從也唯是展河創堤經  
費不無稍繁然亦斷不至浮於續辦蠲賑之數如所稟實有  
窒礙難行敢乞中堂明白批斥以開愚蒙而職道亦得奉鈞  
示以曉諭灾黎矣冒昧直陳臨稟惶悚恭請福安伏惟垂鑒  
除稟直督豫撫兩憲外職道富祥謹稟道光三年正月初十

陸母莊太孺人八十壽文

於

四

事親之道非一而其要歸於守身士君子遭時奮發  
能行其志以貽親令名尚矣其或運際輟輒計出為  
貧或且一行薄宦晨昏遂隔然以靡盬之躬詭其將  
毋菽水之給出於仁者考行駭情固無泰士人之孝  
矣其為之親者心憺榮利相勗於大義不使以家累  
變素操是以子有廣譽身受賢稱與夫覓刀雖爭蓬  
篲厚歛怨讟以自謝殖而猶惡名者賢不肖相去豈  
可數計耶莊太孺人者吾友芑園陸君之母氏也生  
長鄉黨之家未嬪緹紉之室荆布自甘婦道克盡洎  
夫子捐館舍汝君復不勝喪芑園橐筆千里良信不



時太孺人主持門戶辛勤脩至遠芭園以末秩並仕欲  
迎養於省垣僦館太孺人曰一官覲繫況在需次挈  
眷倚居負累滋重非所以勸廉勤教自文也芭園柳  
承慈訓携一僮寓僧舍勾當差遣無所違誤自嘉慶  
之初登俊途廣分發蠟集每省至數十百人時差遣  
以求沾潤而至輒為地主所厭薄不能舉其職芭園  
雖屏當旅食又時時音編紳之入以供甘旨然慎於  
所職常先公而後私為長吏所敬厚其有權攝單車  
徃更吏安而民樂之可以謂是母是子者也予自嘉  
慶甲子與芭園訂交於揚州次年芭園即隨太孺人  
猶子脩睦兵備入關中展側至都下謁遂來東於今

閏十九年尚未得為真官思歸省又不可得語次常  
哽咽悽惋予謂窮達命也通塞時也芑園奔走形勢  
之場數十年卒能外不失人內不失己以無負太孺  
人教育之思是足以養志而承歡矣使芑園返其所  
為雖能致身華廡脩極豐腴吾知太孺人之心必且  
有愀然不樂者其能以彼而易此也耶芑園之友在  
東土者聞予言皆以為善遂書以為太孺人壽

為王季旭題其尊甫遺畫

校

四

古山王君畫承家學名當世荆豫士大夫奔歲至夥  
而其家顧無遺蹟括嗣季旭多方購覓得此冊蓋其  
二十歲始就婚長沙時作也後此八載當嘉慶三  
年予與過於武昌同人爭求古山殊不恡而予以不  
解畫法無所得又後十二載於揚州市上見小屏長  
二尺有半仿海岳一峰雲林并明各一幅蒼潤奪目  
即購歸驗其印章則古山筆也又後七載識季旭於  
都下季旭為翰風處壻既知為古山嗣人益親善又  
閱六載翰風試令山東吳過訪於大明湖畔季旭出  
此冊屬題百年來言畫者宗太倉王氏謂其題韻生

動為最上乘也然皆求之於墨而不根於筆是以雲  
烟滿帙徒增虛怯古山親承孝父永州之指授上溯  
司農之雄厚奉常之蕭散而廉州秀逸之氣又時時  
出指下故與永州大異永州晚年之筆多古山代作  
善鑒者謂永州老而變法不知其出古山手也此冊  
雖少作而骨勢已成整齊中有錯落朴質中有姿態  
在常猶可寶貴況先公手澤又散轅後所收弄耶予  
所藏四幅回揚後當檢付良信以廣奉地不匱之志  
道光三年秋秋安吳邑世臣獲觀因記

節母盛氏家傳

節母姓盛氏浙江金華人也其父挈眷賈山東之濟  
寧州業中落以故世次不可紀常熟蔣瞻岵官汶上  
知縣納為蓮時年十六嫡室金性嚴肅節母安於禮  
命能委曲受事無間言金先舉子二因培原培節母  
亦舉子二文天培女一而汶上君物故未幾天培又  
殤貧無以歸節母佐金撫子女資縫紉以助薪水及  
文年十八就婚於番禺縣丞姚侍龍署遂留焉逾年  
舉子成而歿節母之女歸濟源李師彭者又無出先  
後夫逝骨肉凋喪備極慘酷然節母終不敢以私戚  
廢家事嘉慶癸酉因培知泰安縣成年已十七始自

外家奉母妣至泰安庚辰成投効武陟工次得縣丞  
分發浙江而因培適被劾罷節母乃携妣及成婦王  
就成道光辛巳成補奉化縣丞成在奉化舉一子節  
母名之曰奉吾癸未十二月九日卒於成署年六十  
有二計節母事君子者十年佐嫡理家政者二十七  
年依嫡子者八年就養於孫者四年自貞恒德辛勤  
無不至庶乎無愧夙夜貽美彤瑄者已因培有文采  
善居官成智畧有過人者而慷慨無俗吏齷齪消沮  
之習能稱節母志予俱予善成以節母行畧乞文故  
撰集如右而論之曰嫡庶之間至難言矣況以稚齒  
稱未亡人依嫡以居而所生又遠遊中更顛沛閱數

十年之久者乎是非惟節母之賢也汶上君刑于之  
化因培不匱之志並有可稱者節母例不受夫封而  
年行並符

旌典予故次其事憲使觀風者得以采覽焉

三水縣丞姚君傳

君諱侍龍字雲峯順天大興人本籍浙江會稽父存仁以山西芮城縣典史被議君乃走郡下供事四庫館就職府經歷籤分廣東告近改山東時撫臣驕貴不自檢君在郡故善其弟被優接然卒以約身自衛失權未幾撫臣敗私人率及於難人以此多君情補灘丞奉芮城君諱服闋補汶上膺卓薦升署灘縣知縣有窮民贖質女於富子而中途喪其貲於博無以歸乃自割頭願繼於富子之塋樹富子懼君却其賂而察其情以圖賴定案君旋丁內艱屍親以受賄在法誣訟君反對簿吐實君康明乃大著服闋因升署



官未引

見仍以丞歸原職省補番禺丞歷署新寧東莞澄海  
縣事君署澄海時以丞俸滿權知永安縣既得  
肯當之新任而洋盜入澄境焚客船數十艘盜既去  
止游議募米艇載兵窮追之君與代者聯銜白無濟  
狀大府怒劾其推諉既而知君於盜初泊內洋時欲  
以客船載大礮塞港口而佐客皆謂盜必不敢入境  
又輕君即當代不受命以致被掠乃為君奏請捐復  
以丞留補承於電白縣扼臺而盜艘猝至颶風覆其  
舟善調者至涯歟被縛計得生口千七百餘名盜既  
就縛而知縣望欽朕銜報捷君曰此即去年掠澄海

賊也自伏天誅而吾輩以爲利乎然知縣卒以此得  
趙權復承造兵船有力者索賄不可得詠君幾中以  
危法及出洋遇風他艘多壞而君造者獨完好事乃  
解補三水亟逆乞休以嘉慶二十一年九月三日卒  
於會稽里門年六十有九配陳氏子三女子二長女  
通常熟蔣文有子成即以君狀乞傳者孫四曾孫四  
邑世臣曰余以嘉慶庚辰識成於都下年弱冠以縣  
丞需次頗能言西南形勝及民生吏治之得失余嗟  
嘆良久而成言自切依君稍有似者終不能什一又  
誦君詩數首亦清澈可觀而卒以襟流偃蹇薄宦夫  
襟流之趣甚捷士之才勝而有文者不得於有司轍

趨之如鶩非甘居負下以濟其欲即鬱抑桀驁不自  
得遇與不遇皆遇塞不能盡其才是故自重之士日  
益少莫肯任禮義之防是所宜興為天下養人材者  
深惜也已

嚴贈君事略



寶山張孟如予執友也言笑不苟卓犖有奇節嘉慶  
乙亥春旅次揚州為予言其同邑業師之子今福山  
遊擊嚴君承泰字廉夫者有文武其贈君諱九寧  
字鶴峰為邑諸生任俠慷慨重氣矜常面叱人過於  
豪強無所迴互乾隆甲辰邑學傾圮贈君首倡興復  
歸率意贈君厲聲力爭面色衆侵率率銜之甚適贈  
君姻親王某以索屋租涉訟負租者繼於家語牽贈  
君率邀文致贈君繫於獄時遊擊已為川沙把總唾  
臂作血疏欲棄官訴之於都贈君召至獄中語之曰  
吾之禍構於學宮以彼之勢焰必無真是非矣父子

俱因無謂也。死者能忍恥顯身，將來力舉學宮，以成  
吾志，則可謂善繼善述者也。遊孽涕泣受命，贈君遂  
沒於獄。未幾，卒以冒賊罷職，尋亦病歿。遊孽累考至  
今，官贈君雖瘦斃，然邑人卒脩學宮如贈君指。遊孽  
積俸入購松栢數千株，囑張君種之，以終贈君之志。  
並垂泣語張君曰：「先君子足下師也，知先君子者莫  
如足下。吾上者不能明訟父冤，以滌汙垢；下之不及  
手刃父仇，以洩忿懣，使夫夫者雖速被天刑而獲全  
首領，吾臂創如昔，每一念反痛心疾首，不可為人，不  
可為<sub>子</sub>。」遂嗚咽失聲，則信乎贈君之遺非其罪而當  
有後也。贈君娶於馮，今年登八十，神明不衰，孫鏡湖

生

周侍郎

丁未年

序

弱冠善屬文能世贈君之業集世臣論之曰春秋  
重復仇不討賊則不書葬所以教臣子之忠孝也至  
明切矣遊擊竟遵治命邑宰亦以罪去官而死今贈  
君之志既成又厥後漢昌熾使人共信其无妄則天  
之所以慰贈君者厚矣使遊擊當日奮不顧身期於  
霧爛則贈君之事將轉晦禮有之人稱之曰君子之  
子是使其親為君子也善夫

座主周侍郎六十壽序

道光甲申仲春之廿四日工部侍郎江蘇督學使者湘潭周公六十壽辰公前於嘉慶戊辰主江南秋試出門下者幸近師範先期稱觴而以壽言屬世臣唯世臣隸籍已十七年蹭蹬日甚荒落從之無以發揚名德謹述所聞以詔於衆曰荀子有言君子安雅黃魯直有言士大夫百凡可為唯不可俗其平居無以異人臨大節而不可奪此不俗人也雅者正也俗者習也囿於習則遠於正而近世之言雅俗也失其旨禮者尊卑之所共守必蔑禮而厚自損則俗以為樂易廉隅者生人所以立必舍道徇衆則俗以為寬和其或稍植崖岸又

必旗其凌厲以招遠邇則俗以為耿介凡是三者陰陽互毗  
優劣亦判然要皆為平居立異而不能自遠於俗者也公弱  
冠入詞館課誦如諸生而不名其學衡鑑內外屏絕請託而  
不名其剛接引後進率情導諭而不名其謙靖其

內廷不傳納約之言贊襄大部不聞單衡之奏公之飭躬持  
正而不欲有異於人也如是湘潭當江湖之衝商賈輻輳大  
抵皆江西客民無慮數十萬嘉慶己卯與土匪構衅殺傷慘  
酷至道路梗塞者累月而撫臣吳公存祀大為小之見叅辦  
初奏與事寔大殊公既廉得其詳數陳激切至再至三奉  
諭軍機大臣據公口奏由四百里寄詢撫臣旋入



命新督臣就鞠而調吳公撫福建吳公於公為同館後進嘗  
從公問風土約有所聞知必詳告勿隱公既面奏歸邸第而  
吳公附摺差存問之書適至公遂於覆書切言是事蓋恐其  
受愚屬吏使由已得實更正則獲咎較薄也撫臣既於急遞  
奉

廷寄已不快於公又得調任之

旨尤惟懼思及未代之先有所以中公而彌縫巨案者摺差  
返得公書而長嗣汝楨亦附差致鄉人石給事細詢始末其  
書併為撫臣所得遂先奏陳公書公以吏議落部務守編修  
而客民之黥者隨摺指公名在都呈控撫臣見邸抄知前奏

得手而容民懷詞又已上達乃再陳汝楨書先後疊勅公既  
除名回籍盡得消弭微迹逆一切如撫臣指結正之無所平  
反士大夫莫不愛其同類自子瞻已為是言是故覆庇承審  
疊沈冤冤而不暇惜者比比也公獨以維秦之故見聞真確  
不忍使

盛世有戴盆之望

廷對侃侃慮無返顧深權輕重以致罷職而不悔設遇事關  
軍國重且大於此者其必不屈於膽懾囁嚅不盡言以貽誤  
事機從可知也魯直所謂平居無以異人臨大節而不可奪  
者庶於公見之矣

今上即位就家起公為四品京堂而罷吳公守編修未幾公復以部貳奉視學江西之

命世臣計偕初至都謁公曰是役也

聖心未必有所屬然江西士人必不能無疑慮寬猛之間公其垂意公曰吾視學已屢初不知江西之有異也及公至其士民果相驚悸而公激揚澄汰悉如四川山西之舊事於是復大悅服任滿調江蘇江蘇學使治江陰值大水為患而舊令以憂去官接任者未習輿情災賑非學政職也公目擊民艱急白天府留前任經理荒政首出廩俸召集邑紳勸捐以助賑是時臬使林公在蘇則亦自任辦災甚力端委悉具不

避勞怨果使出公門二十餘年孰陶最久故論者謂江省吳  
民之獲更生多公之力也公今年登指使神明益康易古文  
人書尚黃髮詩思有舊凡以一身之自壽者小而斯民之待  
壽者大而遠也自非度越流俗安雅之君子其孰能當此者  
乎

上英相國書

世臣謹再拜狀上中堂年伯閣下已巳孟夏戴文瑞  
台世臣侍席得親德輝並承詢及世臣偶寓揚州家  
口較多手書致阿蘆軍裁植寒暄銘刻肝鬲嗣後六  
赴春明自慙荒落重負期望是以瞻公門而裹足亦  
未嘗以一紙煩陳非敢自外亮蒙垂察一昨五月十  
四日有吳門友人至揚出示閣下四月初十日通籌  
漕河一摺稿本如抽退滯運幫辦改從海道使全漕  
必達來年遂將河由海運糧百五十萬担其餘改折  
以資脩河足其費用寬其歲月諸條擘畫精詳蓋臣  
用思天下共見吳反復誦讀誠歡誠慰世臣嘉慶初

年薄遊海上深悲海運之便溺以衡家樓漫口為燕  
撫具奏草不果行因為書以示同志不知因何得撤  
左右竟蒙採摘入奏高堰決口之時友人以河事為  
憂世臣比作漆室答問一書友人錄其稿致浦上當  
事莫有能聽從者嗣見敝鄉潘學士錫恩到運奏稿  
嘆其有心當世因錄稿寄之想未能遽達鈞聽揚州  
去淮甚近河道淤阻情形見聞稍切故知必以暫行  
海運專力治河為上策而閣下居數千里之外燭照  
幾先竟主停運治河之說言舉世所不能言私幸迂  
儒陋見有符賢哲竊欲舉其辭以助容光之照上  
年十一月秋世臣因江燕誠方伯係舊居停買舟馳

往勸其預籌海運方相善其說而力不能舉及十二月望同年齊郎冲秀携鮑浦過問地阻告以急籌海運郎中錄拙稿以致汪宗伯嗣於今年二月奉特旨飭查而當事力持初議勞費萬狀漕河兩病今雖閣下再伸鴻議未知當事果能以閣下之心為心否也夫海運之事明白易行而當事難其議者凡以海關稅額為數較少關東豆貨登稅冊者十不二三胥吏乾沒日久恐以搭運漕粮致發訛覆撫臣道員素被蒙蔽及其利害切已不能不飾詞護前故也然行之亦得其術則亦誠有難焉者敢為閣下悉陳之沙船每一州縣之船為一幫共十一幫而通州海門

崇明三幫為大俱有船五七百號其船多之失戶性  
必畏事每有船數較少以人稍解事為同幫排難解  
紛致眾人信服因而求利者若承辦之員稍懷自私  
則人心不附其慘毒清潔者又或水清無魚不得惠  
以使人之道夫海運雖少漂覆之虞然所挽鬆倉事  
屬常有不能不議賠償章程以防奸弊必宜通力合  
作通幫分攤而幫內素稱解事之人無利可求微言  
阻撓衆心便惑且本年春間事雖散阻而上海乍浦  
一帶尚封催海船數百頗為擾累又海中自五月至  
七月風暴無常船悉下旋名為守凍現值其期船未  
歸埠其難一也改河由海若使并可押解交來強入



浮海實非樂從且不能移川縣津貼旗袍之費以供  
沙船水脚自宜仍照舊例商成例令船商自管交  
卸而經紀花戶需索糧艘船數不貲人所共曉雖有  
嚴禁事同具文船商畏阻其難二也凡此是二難世臣  
皆籌之有素策出萬全而謀之其臧則具是遠殆難  
以與此間常路語也至於治河之道尤須方畧嘉慶  
十年之後歲費千萬閘下設浦時所目濬費用非不  
足也是時猶云為濬事牽制至如近年歲運三分之  
二催攬從容似可稍治河病而反致決裂至於凍河  
並無漕艘而自嘉慶廿六年以至道光紀年潰溢四  
出歲月非不寔也是故河事與衆導孫人謀工拙殆

之前事斷可知矣世臣愚昧之見欲舉海運必遴派  
公正通達人員至上海訪明三大幫之大小戶及解事  
為眾服者禮致而告之使之由合通幫詳議利弊呈  
明該員由該員稟請大府議定入奏即立該商等為  
幫目一切取責成焉天津收保之時不用通州漕稅  
人等即就近調天津各報行解手按日寬給飯食飭  
令應差查買賣舊例過斛人每斛有錢二三不等頗  
聽其舊不必禁止奏奉

俞允廣張諭示則商情踴躍而行無窒礙矣無論新  
漕事在冬底辦理從容即現在滯遲幫船正在凍期  
之內又書往返無慮如迫若其沿河機宜情態萬變

非可言志世臣舊著河事各文諸學士皆錄副本從  
前百文敏黎襄勤多所採行無不立著成效或有反  
其道而用之者亦即自貽伊戚浦上父老皆能言之  
閣下若不弃芻蕘就近取觀或有可備採擇者如蒙  
鈞裁察核喻知當路使之內外一切將見百廢俱舉  
又非但河漕一節之立臻平成已也若任其泄泄誠  
有如鈞指所謂稍事拘泥則其弊不至不可收拾而  
不止者世臣雖草茅伏處原其利害實亦切身故敢  
錄漆室答問舊稿附敝鄉沈廷桂上舍附試之便囑  
其轉呈臨楮皇恐伏惟垂鑒道光乙酉五月十八日  
世臣謹狀上

漕河駁辦題辭

嘉慶十六年康君星源自白門附糧艘入都時南河屢決甫塞卽倒灌運河淤墊旁溢緯道清口常至如平陸君精悉漕事恐一日有誤為

國家深憂乃為兩截盤運之議條列十事請留蘇道回空之四十七帮於河北惟餘帮渡河卽永閉禦堤使河淮分流於清江迤上之彭家馬頭開橫河板堤下安徽江廣之船挽入橫河抵堤將米盤交蘇帮代運赴通其浙寧之二十四帮先代蘇帮運未至淮過堤乃四次受載本未抵堤盤交接運其收於水次交於通倉仍各任其本丁漕項倉費核程逖遠近

分別津貼南北商貨隨糧過載移三關五埧提溜之項足當  
盤填經費而有餘官不增費丁無加累商旅通行民用不乏  
是其大都也以是年六月呈請都察院轉奏臺長百公心善  
其說

上即以百公為兩江督臣至江南會漕臣許公河臣陳公核  
議進止仍

勅部臣致君就三院於清江浦以備諮詢許公督尾邦至德  
州接部飭恥碩畫不自己出逐條駁斥以為萬無可採單銜  
先覆論罷之君指許公駁稿逐條辨明百公重違許公意君  
遂并錄原議為私書一卷名曰漕河駁辨藏於家道光四年

竹西藝集圖記

甘泉焦種梅從其鄉拙菊谷學傳真之藝菊谷前以  
工畫與予同客徐宮保南河部署繼家者尤嗜易以  
意測蘊虛消息之理不傍傳注而多得真契是以其  
畫益超超有懸解種梅從遊未弱冠即盡其法無老  
幼皆逼肖而起看意態尤能自在流露可貴也揚州  
四達之區介多藝術四方有技能者無不雲集則海  
留棲止種梅見玲瓏山館行庵文燕園繪畫時文人  
術士賣菊之盛而慕之因集士著沈寓之畫得計入  
今圖其貌合為一卷卷右起處作老樹西株下設四  
牙屏風橫置短榻抱膝坐榻中者為清補軒梅圃跌

坐榻端者為仁和趙穀庵屏風之西有宣石山山北  
有樹樹下芭蕉數本當為皮几左几上茗具盞香  
馥有古澤几南坐小榻持畫卷者為江都倪曉村夾  
山石而坐者東為江都溪步清西為甘泉唐驥園又  
南坐馬皮椅與借庵遙語者為錢塘沈蓮舟椅山石  
坐者為焦山借庵長老其南有太湖石小山旁有三  
童子藝菊立而觀者為閩樵大師其北有紅欄數曲  
老樹夾立可蔭人其文而拈菊枝者為江都劉古尊  
袖手立其西者為江都曉曉樓紅欄盡處有竹數百  
竿前有石几端坐而撫琴者為趙六峯陳師文其後  
者為滄州張春隱夾石几而坐聽者東為長洲惺山

巖西為山陽周曙峰竹徑前對生絕床展長卷者東  
為筠谷西即種梅當臺中而俯視者為旌德汪玉屏  
稍東翹觀者為江都汪小梅莫不俯仰談笑識影辨  
聲唯種梅為筠谷馮餘俱出於種梅樹石器具花竹  
則連舟曉春撲園小梅禱成之筠谷偕種梅過予請  
為記予與筠谷交至久新識種梅賣其雅馴有家法  
園中人又多舊識故為題名曰竹西藝集而記之曰  
晉卿以貴戚雄豪集卓然高致名動四夷者東坡先  
生以下十六人為西園雜集而邦門馮氏以業離餘  
財術誘當時帝言之士亦欲集十六人以結西園其  
心可謂勞矣然其中如冷謝山實能自植以垂聲後



世即方環山程香溪屬契榭諸人亦皆有所深造名  
聞都邑故揚州稱賓客以馬氏為盛凌夷至今甯迄  
之門不開富兒之炙空冷而諸君子自挾其藝馳騁  
翰墨之場旋以口腹為安是累也斯可為發一大息  
者矣道光五年九月九日安吳邑世臣書於小倦遊  
閣

隆慶寺同戒錄序

南宗沙門傳戒者多矣然戒不難於傳而難於持既不能持則傳何稱焉沙門無事聚食其身至逸非以戒律約之則心意之業皆積殆為五濁所希有矣然而入壇五旬繫頸珠脩趺足者共謂為標相永定是不得不名以得戒也既得戒則弃戒律於不問未幾而以傳戒聞者且比有於江淮間名為振興而大教之頽弊亦甚矣揚州故裨友慶庵苾芻持身心口之戒三十年未嘗一日居方丈而主戒壇也然圓寂後能以堅固繫依奉塞夷弟子哀慕之心爭先布地大開門庭遂以克成本願而嗣法心朗和尚善守其戒

闡宗法而嚴戒律，於道光三年冬開期集眾，不召而  
來者至百餘人。今年冬期又旁憾悔之，上規督紹隆  
之正轍，凡在茲錄者果能虛往是歸，惺惺不昧，如在  
壇時，則慶公靈爽之所付囑，護持者也。故為弁言以  
告新戒之有志於證此正菩薩者。道光六年重九日  
書

代楊桂堂給事啟奏開放舊臧壩摺子

禮科給事中 楊履乾

奏為開放王營舊臧壩恐滋流弊敬陳案據仰祈  
聖鑒事切照五月初八日戶部奉

上諭琦善等奏勘明安東改河工程恐有滯碍請啟  
放王營舊臧壩以期掣溜通漕一摺南河黃高於清  
以致河朔交收進道不通前次張井建議由安東改  
河以為黃水即可掣低樂壩即可啟放現既覆勘籌  
商多有滯碍不若開放王營舊臧壩之較為得力著  
即照該督等所議辦理所有開壩挑河堵合口門並  
一切土埽工程及撫卹事宜共需銀三百數十萬兩

着戶部預為籌款俟秋初該督等奏撥時即可迅速  
撥解此次以資應手欽此業經該部附片覆

奏並行文留惕各該省預籌候撥在案臣查減壩下  
游本有鹽河一道即經請項脩濬預脩減黃今若止  
為減洩盛漲無庸先請撫卹若欲騰空河身以便挑  
挖下游使黃河水面落低啓禦壩以達清源則是以  
全河之水盡由舊減壩口門下注便與嘉慶十一年  
十六年該處兩次缺口情形無異然十一年因放壩  
跌塘成口十六年因下濬上漫成口固由人事失宜  
尚屬天災難挽其時口門下游之清河挑源安東海  
州沐陽五州縣田穀將熟頗付怨譁淹沒墳墓衝塌

房屋以及堵合地仍水占漸次涸出已過播種之期  
是改災民得歸業者計亦五六節得歸業原民氣亦  
難期驟復難以撫賑義施實

帑無算豈能必一夫之不失所哉况與東海州東嶺  
南北寬百餘里盡係葦灘遙北又有雲台山縣亘五  
六十里攔截海濱沮遏黃流排淤倒漾旬月之間雖  
沐陽桃源清河各縣地勢稍高去口門漸遠之處皆  
成澤國泛濫漫行日行頃坦上落水勢節節抬高所  
以十一年城隅成口之後湖水仍不能外注衝決連  
河東岸之符花塘定及高寶興泰山清鹽岸各州縣  
繼漫黃河上海南岸之周家樓溜勢上堤又漫迤上

之郭家防為難寧全境及宿遷桃源南岸村庄之害  
又復分治上堤漫北岸之蕪家山淤墊微湖並崑崙  
一帶運道十六年歲壩成事之後繼漫上游北岸之  
棉楊山穿運成渠邳州宿遷村庄多被衝沒又逆漲  
上游南岸之李家樓史及河南之歸德安徽之鳳泗  
江蘇之淮揚各州縣下壅上潰歷有明徵是歲壩一  
成口門不惟為安海五州縣之害已也况十八年於  
歲壩迤上二里許審度形勢補還石滾壩之時因壩  
上壩下高低懸絕增做石閘三座層層擎托以通  
制然迭遇歲漲滯溜遲細較量卒不登故者或以鑒  
於前事莫敢冒險以民生為嘗試故也况該處虛名

舊壩是係長堤兩次成事後塘深廣每至大汛加勝  
帮護尚形搖慄今若於該處開堤或口放水騰河在  
該督等自為斟酌重輕詳計利害出此變通制宜之  
策然壩下五州縣居民百萬豈能盡喻若襄甘從淪  
胥而不悔且上游工段甚長又豈能必其不重出十  
一十六等年之前轍乎然而該督等非不計及開舊  
壩之為害下游與上游見險也以築壩不起進道不  
通所關至鉅不能必出萬全是毒蛇螫手壯士斷腕  
之說也臣請又以成案證明之十一年成壩跌塘之  
後司河諸臣先議就缺口以改河道嗣見成壩新河  
斷難改或仍復大挑舊河挽歸故道然而經行未久



下游南岸之陳家浦北岸之馬港口相離潰溢其時  
運河清河倒灌如初自十二年以及十六年大丰借  
黃運河東西兩岸如干根旗杆百子堂小舟庄壯原  
墩二鋪王家庄白田鋪等處漫口頻仍下河壑况近  
日河身受病又非昔比是則謂放開王營舊城壩挑  
挖下游河身遂能掣低黃水啓放禦壩較為得力者  
恐亦係懸擬之詞未必確有把握恭讀嘉慶十六年  
九月二十三日

睿皇帝諭飭南河諸臣曰從古治河皆以河決為  
患未聞有言河決轉受其益者至哉

聖訓誠當為萬世之法乎矣臣於前事見聞頗切伏

乞

皇上諭飭內外臣工從長計議務期漕艘可通民生  
無碍使薄海黎獻共慶

平成則微臣芹曝之愚敘感無極且職在言路苟有  
所知不敢自默是否有當伏乞

皇上聖鑒臣謹

奏

代楊桂堂給事上防河摺子

禮科給事中臣楊煦跪

奏為黃河淤墊日甚大汛漲滿堪虞應請先事嚴防  
徐圖治復以期安瀾利運仰祈

聖鑒事切照東南兩河所轄河身長一千五百里  
於上年六月內經兩江督臣琦善

奏明集黃壩外河身一年之間墊高六尺有餘本年  
正月內又經前南河臣嚴烺

奏明外南外北山按防海四廳境內黃河長一百五  
六十里節年淤墊又於本年三月內經前東河臣張  
井

奏明東河之蘭陽一帶河身淤墊中泓深不過六尺  
又本年正月江督臣琦善等據前淮楊道備錫恩稟  
請於關家灘等處開挑引河達灣取直于葉家社二  
帶補還大堤於太淤尖一帶接築長堤以期河道通  
利掣深積淤請

帑六十餘萬本年二月張井於東河任內前赴南河  
查看海口請以北堤為堤南自安東東門工起至龍王  
廟止改挑河道歸入舊海口使禦壩得以早夜等情  
各在案臣查改挑河道事關重大而張井為此請者  
自以禦黃堤外上下河身淤墊太甚人力難施是以  
為此改弦更張之策興藩錫恩所稟雖工程大小懸

殊其為欲使河道深通築壩得以啟放長船北達先  
盤撥之艱用意原無殊異且切以為規厝五月大汛  
將至改挑河道工長費多斷非旬月所能集事即琦  
善等所請逢灣取直各要工亦未擬有贖

奏是否工能速竣放水順利掣溜得力俱難懸揣且  
查河淤則槽平而消水不暢槽平則祇高而容水不  
多低高則堤埝卑矮則形勢危險自道光三年以來  
陝甘一帶微旱是以黃汎未經盛漲而盈虛消息天  
道之常設遇盛漲何可抵禦且聞和緩之方急則治  
標緩則治本知物求先務河病凶像汎期至迫應請  
飭下兩江山東河南廣東兩河督撫諸臣體恤道將

廳無分南北多集工料無分晝夜投織巡防守既  
嚴河無旁泛怒濤衝突必可制動低淤為以水攻沙  
之計即使未能全河一律衝刷通暢霜期之後河槽  
必有變更再行相機安籌自本年霜後至來年桃汛  
有半年間暇自可從容疏導使河防復舊禦壩早啟  
糧艘直達共慶平成也臣雖不習河事私念黃河未  
源萬里雨澤多寡未能預知為此詳候遇雷之計是  
否有當伏乞

皇上聖鑒謹

奏

謝默卿詩序

予以道光三年始聞默卿之名于座主侍郎湘陰周  
右芳先生侍郎之言曰日昨按試彭城舊城司謝君  
光巡捕官詩詞至工吾黨所罕而浮沉下吏無以自  
達予心識之閱三載陪開年江夏陳玉生觀察於白  
門則謂謝君初調東山即奉差襄陽海運遇事能任  
解机權無苟且予又心識之是年冬以就食隸陽江  
次與默卿共事月餘見其勞怨不辭寬嚴通冲夜興  
讀其近詩與侍郎所稱誦者風格並道上可喜初知  
侍郎觀察所言之皆信也然侍郎生平非徒文采照  
曜已也存肩艱鉅同列無與偕而沈潛默卿之詩

觀察靖共吏職當與草者無不籌所以舉之猶復興  
竄從欣酒賦詩風流蘊藉無出搖之色而徒實然卿  
之任事是然卿雖見知二公而所知猶若有未盡也  
然以默卿之工詩不使之置身著作以盡其歌歎鼓  
吹之能而其任事之材又不獲理繁劇後散居冗澤  
不及達時見端於詞說予是以誦其詩核其虛事不  
能不為默惜尤不能不進而為人材惜也工役其卿  
當別遂書其卷首以告維此而觀默卿之詩者道先  
六年十二月二十三日



山東西司事宜條略

道光七年四月小住吳門邵陽魏君默深見過述新任山東承宣賀公之意代詢東省治要答之如左

周公告魯公以治魯曰平易近民民必歸之齊桓公問如何而可以勝民管子以為非君子之道故記有曰聖王所惡無惡於不可知邱陵大樹人解衣止息下其以為期約者可知也又曰周鼎著甌以馬履之惡其不陽鬱者不陽也故為政之道務在自勝以通民情而附民民附則從令而不陽之遠行不可知之政除已當路以不可知為政求鬱民也久矣而山東為甚山東民氣最淳朴又飢渴易為

飲食從前州縣有稍治民事者其去任也無不挾携幼  
振與鋪飲垂涕而餞之則其致結隊上控薦越赴都者可  
知也嘉慶之末山東疆吏以救弊為說嚴盜賊之條加越  
訴之科而其風更熾近年頗飭吏治不專事託屬以虐民  
而告訐遂為少減是亦民不可勝而易治之顯證矣其以  
己卯庚辰間就食伊土略悉梗概故條列數事以備採擇  
所言平平無當遠略况事隔數年與現情未必符合聊自  
附於俗變相類議卑易行之云爾

一宜審定缺分肥瘠使調劑派撥均平以息物議也上游  
舉動難保無誤所屬持以為說若應時改正所謂更也

皆仰或謂用下持上有關政體必欲遂過以勝之於是  
不公愈甚物議滋起極力周旋大阿倒持山東前事如  
斯頃也顓查山東舊有十七大缺今昔情形互異如膠州  
利津本上缺而變為中臨清滕縣且變為下容城本下  
缺濰縣即墨本中缺皆變為上而胥吏仍照舊案攤派  
苦樂不均日滋嘵瀆又霑化福山昭遠新泰蒙陰嘉祥  
鉅野舊名七大苦缺免派一切攤捐仍每年每缺派鄰  
縣協濟辦公銀二千兩嗣以議提節省歸於藩庫准該  
七縣以空批抵解司案有議提後以各州縣批解節省  
不足傳撥最後并一例仍攤捐款該七縣益至繁錯日

增新虧該七缺中新泰鉅野得項較多而新泰運務兩  
尖一宿甲於通省鉅野無教窩盜數辦公之費數倍他  
屬凡此前此事之師核以現在情形推類可求應請詳  
細察核詳定新章俾派撥平允而調劑亦有準則

一宜查禁司書弊竇以紓官困也司書訛索州縣情狀可  
變其小而顯者如送到冊結以註語不符冊式不合及

挖補未蓋印信

此層每多司書捏換

等情駁換追遵駁重造又尋

別端再駁即繼以查取錯誤遲延各職名多方恫喝必  
飽其慾而後已又如量地丈桿部頒碑式不肯摹發嚴  
飭造送請驗及差送候驗則掄擱不行來差候久潛回

又復飭提種種周利屈指難數蓋上司官以察屬為職  
必禁有司之侵

帑剝民尤必先禁書承之剝官所謂治自內始也州縣重  
困非如携于庫藏即取償於閭閻司書苛求亦因州縣  
之一端也應請逐細查核刊發成式俾各書屬有所遵循  
司書不能上下其手至借給籽種一案東山從未實收  
請提歷前屆冊籍查驗放至累萬畝不及兩民即無良  
何至如此皆司書勾串不肖州縣稟辦分肥殘廢兵丁  
一案盡係司書乾沒以

國家有常之經費填官吏無厭之谿壑凡似此類應裁

小倦遊關水集

斷衆流

一宜督屬清釐案件及自理各詞訟依限結正以達民隱而崇政體也山東訟風素熾然隸臬司者十之一二隸藩司者十之八九故省例于

欽交部交案件每月撫部及藩臬兩司各奏結四五繫謂之月摺良由州縣專以錢漕為意於聽斷大都怠慢而佐理之友更多不諳條例玩視民瘼雖隄角細故常至拖延歲月迫成上控上控則發回本縣又迫成京控京控又發回本省委員與發審之友商同置之高閣每有原告疲斃押店具文銷息猶習至牢交惡彌甚及征收

錢漕時紳民連名控訴輕則發府重則提省原被數十

百人拖累經年官民兩困山東條銀加耗本不甚重一銀

錢收錢百八十餘文先正耗銀共一錢一分四厘又有庫戶書及門印厘頭在其中官餘無幾漕米雖

重者至兩個八輕者亦兩個四二斗今升光一斗名然

正漕每畝不過升許連浮收之數不過三升民力尚在

可勝非蘇松之每畝正米至二斗許浮勒及倍中歲因

中所收或至不足償官稅之比也官除兌費每石七錢

又道府漕規倉費及漕後盡情諸費每石攤銀三四錢

之外每漕一石尚可贏餘銀兩許其漕少之處則取給

于捲零無漕州縣則有集頭規費及落地稅除糶大苦

缺自非揮霍性成與積累夙重者辦公儘有餘剩故東  
省官之受累必以訐告條漕而訐告條漕之源則以平  
日不能受理民事以鬱民氣上控之後曲意拖累以積  
民怒于是一二棍徒乘閭閻鬱怒之氣出頭訐告條漕  
合屬良懦歛資以助之故棍徒訟雖不勝而所獲匪少  
且得美名于鄉里而上游不明為治之經以為條漕加  
耗關係通省羣謂刁劣梗令必欲以嚴法勝之真大誤  
也應嚴飭各屬盡心於戶婚田債各細件迅速結正以  
杜訟源使民情歸附則輸將踴躍而新虧可息舊欠亦  
可以漸籌補矣



再山東鹽商多係無賴子弟認岸行銷捐課不完以挾制  
有司紕課才數十百兩而餉使彈章一出常開缺至三五  
州縣及其賠補課開復受累已深虧空之源此亦其一孔  
也又東省有城工銀百五十餘萬兩交商生息以為逐年  
脩城之用而本利無償至通省無一完好城郭以方地集  
腋之項繼奸商之富可謂耗財于無謂矣又司書檢案不  
行嘉慶十四年

恩詔豁免穀石至廿四年尚未辦出庫項繆葛各科分承  
竟有銀已上庫歲餘而委提尚絡繹道路者

已卯七月予  
入藩署查出

示革兩州縣填解大批送院掛號有遲至三四月常未發  
書有案

司者東省批解錢糧例先期將解役姓名銀數日開通稟  
竟有虛發一票久久不到及嚴檄飭查該州縣茫然不知

者

已卯冬經手此  
事至七八次

又東西兩司賞識各殊西司以批解踴

躍為上考東司以聽斷勤能上考

為

自非撫字催科之長備

乎一人則東西常至齟齬上游俱秉公直而所屬漸成時

町此不獨東省為然而東省為甚

毛詩禮徵序

季懷以嘉慶戊辰秋始學詩至丙子冬推鄭氏以礼說詩之意為書十卷有自序而無大名既而棄之又六年乃成學詩識小錄十三卷予于其不祿也已披淚次之于狀今年春撰集遺書檢得致仲虞書稿有旧學詩八年自謂有得奮然欲述詩礼原鄭一書今編次粗就殊不足發明鄭氏僅徵舊文供制舉家捃拾而已覆閱之令人慚慙而家伯氏以為不可焚棄俟異日之刪定足亦若見此稿本殆當鄙夷不以齒于吾黨也蓋季懷之深于詩而不自滿假者有如此然孟瞻孟開反覆其書僉謂援引淹通實足導求學

之前路故原季懷本意名之曰詩禮徵文先校而梓  
之其藁草紛糾鉤勒拉雜間有繁複待芟統類未一  
之處則子韻孟瞻寶叔孟開共有事焉仲虞遠在旌  
德相距且千里將來郵寄成書如指摘疵類當更正  
者削楮以從固季懷之意也道光七年六月十九日  
從父兄世臣書

清故四川邛州火井司巡檢楊君墓志銘



君諱長泰字履安姓楊氏宗故望遼陽義州先世用靖難功授本州鎮將十葉相繼崇禎中太子少保左都督國柱與猶子賜蟒玉都督振先後戰歿於松山其宗遂覆振仲弟捷亡命海濱

世祖既定鼎念東南尚未歸化求故明名將裔知兵者乃用薦起其家論平江西福建功至世襲輕車都尉歷官至少保總太子太保左都督昭武將軍留鎮江南提督水陸諸軍事

賜籍江南揚州衛左所後遂為江蘇甘泉人薨贈太傅諡曰敏壯聖祖御書丹誠二大字為其

賜第額而稱以老將軍者實君高祖曾祖懋緒直隸  
大名兵備道贈榮祿大夫祖鑄古北口提督署直隸  
總督改山東巡撫考景達延綏鎮總兵在遷沙州營  
都司君年方成童延綏從大將軍雅爾哈善征回部  
三當霍集占戰皆大勝大將軍嫉其功中傷之逮至  
都

高宗察大將軍奸妄得減死論戍塞屯君里居聞耗  
即挈一奴小金萬里趨侍延綏尋起用沙州營都司  
君乃奉命就婚外舅商潼道署成禮仍出侍塞下未  
幾延綏墜馬傷足因得奉歸里第十餘年不去左右  
自延綏病廢族予大學士應琚督師滇中以失律致

凶伯兄景震守嘉興至被議籍產戍東陞李弟景素  
歷督浙閩兩廣直隸至太子太保然身後且二十年  
怨家構舊事復籍產戍其子兵部選司紹子西域唯  
景震之孫大壯襲世職為叅將而兩足漸不仁簪纓  
綸替丁黃凋謝期功強近不數人率無以自存立君  
乃謁選求微祿得四川邛州火井巡檢時兵燹方亟  
戶口逃亡而有司措克益深君一切務為寬厚順人  
情以理論說民便其教川例治盜至嚴君捕得但追  
贓給主簿笞而遣之率不遇十板然所遣多能改悔  
為善士以為此身乃楊十板所賜也火井轄十餘集  
市人皆福建江西湖南北貴州五省客民各立一客

長部歛其屬以答應徵求率通胥役為奸利君悉罷  
苛令而更客長之擾市太甚者市為之平火井有土  
練三百君課以擊明示恩信樂為用適兼署吏目而  
印官以他事公出檄君代行州事妖人王應龍謀為  
變里甲察其密君故善騎射久侍延綏于塞下尤習  
兵事遂部勒守捕事宜賊知謀泄倉卒不及期糾現  
黨千餘人裹紅巾起君料賊不敢逼城必乘虛趨火  
井星馳率土練遏之于金台山大敗應龍追入蠻洞  
生擒之印人既免于難深德君訟君功于大府然大  
府竟莫能以君名上者孺人屠氏諱玉輝湖北孝感  
人屠故孝感巨族伯祖沂浙江巡撫為名臣父用中



由知縣歷府道內擢鴻臚寺卿孺人從君之官年已  
逾四十為君納蜀人陳氏為適生子亮不數年物故  
歸葬其黨而撫亮如已出洎君卒官孺人攜亮扶柩  
道峽江邛人夾岸設奠泣送者沅其境不絕而土練  
范源竟護君喪至里門乃返蓋往返萬五千里云舟  
初出峽次東湖有盜括其裝唯圖史數百卷路費百  
餘緡源挺身力拒被縛盜呵之源曰吾楊巡檢故部  
下練卒也孺人公子歸公殯無資財具僕僕嫗故以  
死相衛耳盜驚曰楊公果清官兩日尾其舟行聞孺  
人課幼子甚切亦賢母也子又義士犯之必不祥遂  
釋裝去范君義足以感羣盜而君之所以感范君是

可為動色嗟嘆者已時大壯已病罷而

賜第入官後轉歸市估郡中賢士大夫醵贖以祀敏  
壯孺人乃得携亮居邸第然慶弔問遺親舊無失禮  
有稱于鄉君以嘉慶九年卒於邛年六十有三歲明  
年葬揚州之西郊孺人後君二十三年卒年八十一  
歲當道光六年而亮以薨諸孤長于君母卒能篤學  
敦行為有見之士孺人卒之次年亮卜北郊雨皋橋  
榮祿墓側壞吉將以道光八年正月二十六日改葬  
君而柩孺人亮故從予遊冒風雪涉大~~江~~絕黃浦千  
里至滬東述君與孺人之行誼以乞志幽之文庶幾  
有懷明發者予次其狀而<sup>錄</sup>之曰

三世為將道家忌煊赫難求稅駕地薄宦人謳召伯  
憇雖伏斯能樹爾類有子曰亮承衰墜瞻念松楸思  
善繼

儀徵縣學生王君妻劉孺人墓表



孺人諱 字 姓劉氏揚州甘泉人也祖健地揚州

府學生父鄉久國子監生孺人年二十六歸同郡王

家幹劉皆舊族孺人事翁姑接戚鄰咸有禮則見於

於二姓生子三僧保翼鳳慶保女子子一僧保娶于

嘉興朱氏有孫四懋和榮和泰和貴和翼鳳娶于江

都唐氏慶保尚未娶女子子適甘泉士人蒯徵九孺

人以道光七年十月二日卒年六十有三歲王君籍

隸儀徵而家郡城揚郡土襟沙塗水迴復而湍急居

人多乍貧驟富飾簪裾侈遊觀傾耀閭閻夫十室之

邑必有忠信豈無古處自敦守身不貳者乎而入內

則困于交謫出門若無以自比家室為累同於縲紲  
負厥初心所自來矣王君有聲庠序數十年僧保為  
童子即冠軍翼鳳未弱冠補弟子員同列無與為偶  
論其家世程其人材稍規時俗為俯仰者此其居揚  
州不貧而父子脩脯所入常不給薪水棗葛未得以  
時具而所業日益進所守日益堅然則孺人之相夫  
育子使得從所好以自成名者可不謂賢哉王君將  
以道光八年十一月二十有四日葬孺人于西郊金  
匱山之糙石街僧保翼鳳乞文表墓故按狀而系之  
並為辭曰

是維女宗宅是幽宮以利其嗣人無忝爾家風

舊葉堂文鈔序



天下之所為貴士與士之所以自貴者亦曰志於利  
濟斯人而已然學不足以輔志則夸大少實識不足  
以將學則迂疏寡效氣不足以持識則瞻顧無成然  
或負氣太盛又常致激切憤事如山澗暴雨之集橫  
潰四出一往而涸明僉都御史凌海樓先生由知縣  
擢御史廷諍天下大計拜杖歸田及起用原官風操  
彌厲朝政幾肅肅膺顯擢旋被中傷迹其氣矜之隆  
意必句決目曾字流血淚而章疏詞指哭婉和湯一  
若有所必不能已而後有言者可謂好直而不蔽者  
矣至被誣廢棄之後其能放情山水逃心禪悅者已

為起絕流俗而先生居於澤國深求疾若委曲達當  
路卒使水有所歸出鄉里於溝壑是其用之不終於  
國者必求有成於鄉守氣平用識審夫豈於名買價  
之徒所能望其項背耶先生詩文甚夥編藏家祠齋  
孫曙求之數十年乃得錄副苦資審擇其實關世用  
者得若干卷鈔付梓氏使後世尚志之士受而讀之  
如坐和風祥日中而知驚飈怒霆之不免有濟而賊  
性寬柔者亦有以自勉不至坐弃於委靡焉天下事  
庶幾有起而力任之者乎

一彬益和尚像贊



和尚浙江黃巖縣林氏子童時趨健尚氣俠常負重  
驀越山徑出入甌閩日行百數十里羣少以為豪年  
二十八力悔夙行捨身本縣嵩岩山之法輪寺不數  
年記誦經典語錄各數百卷徧參古德傳磬山之法  
於天台山茅蓬正海大師和尚悼本師具足道德未  
得主席又深恥因人成事不能昌本師之風教行脚  
吳門見臨頓路有靈鷲寺係蕭梁古刹而山門三椽  
之外盡為荒蔓遂馳其負擔矢志興復示現感應竟  
還舊觀吳俗崇尚釋氏琳宮相望率居積豐裕莫脩  
苦行和尚表明心印獨領柱香遠近歸從趺坐廣單



者至二百人。予推辦難應機立斷校錄刊布與國清  
曜治論說相上下。僧俗讚嘆。又延主楞伽半塘諸寺  
晚年以社壇之湧蓮菴為靜室。其地間於閭閻塗徑  
通達。拓宇以接衆。較靈鷲尤宜。和尚命法嗣永華當  
家。經畫之。至道光五年十一月二十五日開堂。未就  
而和尚圓寂。世壽七十一歲。計和尚生平所得布施  
不下白金二十萬。悉以建寮宇置常住。已身未嘗着  
絲裘。雖暮年遇雨。雪必以油傘。油鞋從事。未嘗乘肩  
輿。縫紉必用棉線。漆飾必用瓦灰。持戒殺之嚴如此。  
日再食。唯鹽齏而已。所夕拜經。嘗膝處皆穿。旅邸舟  
航不間也。永華親承付囑。必終其志。更名為寶蓮寺。

供像開山以別於靈鷲予辱交於和尚廿餘年未及銘塔故讚其像曰

謂和尚為內重耶胡為号名之衆而興建之勤謂和尚為外重耶胡為奉身之約而求道之毅心乎濟衆貞之四十年卒不以利其身庶無愧於乞士為閭浮之所共尊

書故明卹贈太子少保榮祿大夫左都督懷標總兵  
楊國柱高遷戰州楊氏世為遼薊名將先是崇禎十  
二年金國鳳被圍松山諸大將莫敢赴援崇祿之兄  
子振以副將請行遇伏被執使說城中降而振告以  
援兵即至被殺至十四年祖大壽困錦州洪承疇以  
八大將往救榮祿先至陷伏中四面呼降而榮祿突  
圍被矢墜馬以卒蓋即振猶難之而榮祿與振當時  
並有小無敵之稱而收於敗後廷議優卹之以勸勵  
忠貞者亦不可謂不至而大帥望風奔降相繼卒至  
革命豈果忠義湮絕激勸無功哉良由死事之報雖  
隆而酬勳之典率牽於弄筆媚功之後憤事之誅不

果而斧鉞之威專加於守職忤奸之輩井謀不食可  
為千秋炯戒者矣此告下於崇禎十五年其時國事  
久非然告廟與書字尚尔整飭而製軸而未至苦窳  
是其心固不甚苟且也而宗社為墟近在匝月此古  
人所為篤信陽九百六之說遁世無悶而不悔者乎  
道光八年七月朔

續錦瑟詩題辭

五

程君韵篁一別三十年忽相值於白門出示續錦瑟詩五十首予請其命題之旨則以悼室羅夫人而作也羅產於蜀展轉入秦中以歸韵篁舉一女而殤憂思遂卒年二十有五韵篁謂玉溪錦瑟詩為悼亡妻瑟次於琴故以為喻一弦一柱思華年正當二十五歲腹腴情事始節節靈通矣予嘆絕以為懸解邂逅吳中央君遜亭而告之遜亭則謂玉溪集首錦瑟蓋義山之自序也以瑟聲最悲故以自况身世一弦一柱思華年其時義山正五十也腹腴所言則歷舉生平所遭而以當時惘然結之二說出而前此名論廢

矣論亭能揔持大體論世以知人韵藻情牘境生意  
逆斯得繹無達詰之義謂非可與言詩者乎予自弱  
冠輟韵語集句尤生平未習然觀其珍巧跌宕壯胸  
中所欲言如天衣之無縫而可與香屑集並傳固亦  
藝苑所共覩睹也道光八年八月既望小倦遊閣居  
士書

永洲救生分局記

四  
卷  
第  
一  
回

江蕪舟楫四達百貨之所集紳商錄金舉善堂者多  
然日以玩生司事者固以為利亦凌夷之所必致至  
唯京口救生局一舉行之愈久而不弊且其效至顯  
著京口間於金焦而銀蒜北顧之麓又皆斗入江心  
盪激波濤高山下瞰時有卷風水急風利事出倉猝  
局船既堅緻所募篙師又皆能弄潮上下故遇狂飈  
驟發即放柑以救船不幸而覆則救再不幸而溺則  
救屍骸舟行之顛危而藉以獲安者中常八九其民  
間船隻有要利梗肆詭索者局董又隨時為之稽察  
禁止濫者以白官致之理行旅便之故沿江通津之

地多踵其法然皆不及京口之善京口對岸則瓜洲  
局董以客舟入南運河赴燕杭者多道南岸而入北  
運河赴淮揚及由江路赴通海者多道北岸北岸行  
而遇風局船雖不分畛域立與救援終以中隔大淤  
或不遠事遂議於瓜洲設分局三數年間善信踴躍  
程式與京口相埒矣予故為記其緣起以嘉京口諸  
君之樂善不勸且以告來者使善守之是為記



吳山攬勝圖跋



右吳門李氏所藏石田吳山攬勝圖蹟真而予以已  
意拓臨者也上泰始鶴市虎丘而許市陽山天拋天  
平支硎止於獅山城西迤北諸勝盡之下泰始橫塘  
而木噴靈巖上方石湖吳山鄧尉止於魚鱗城西迤  
南諸勝盡之憶嘉慶丙子夏滯迹吳門長洲胡眉峯  
吳沈小宛招遊西山自石湖至懸墓往返十日周峯  
選尤勝者為圖八幀小宛各綴以詩眉峯畫法得筆  
于員燕得墨于麓臺刻意皴染故言翰墨則秀潤可  
絕言山川則神骨不見予因假小吳軒避絕人事一  
月合寫為長卷唯不工屋宇損塘木噴光福三市殊

難安置易病再四憐以雲樹頗助幽邃眉峯嘆絕以  
為曾見石田吳山全圖二卷來往胷中者三十年不  
意今日得還舊觀今年夏假館李氏出示名迹而沈  
參適在坡陀岡嶺悉傳山石之神令人忘其堆疊依  
山傍水架屋十數椽即成集鎮樵人舟子行坐登降  
儼如身歷而筆勢一用本<sup>飽</sup>比東庄圖之群取諸家  
更為調適因嘆真境自有真苟拙手不能結構耳李  
君惠微臨摹携至邦江轉入白門閨三月始得畢事  
予以甲子識滄州張桂巖文從受筆法一丘一壑聊以  
自娛丙子與眉翁角勝乃馬真山今作巨卷又值戊  
子而桂文眉翁皆為古人撫念今昔為之慨然道光

戊子十月朔檢付裝池因紀始末

吳醒蕉遺詩叙



謝君默卿既以道光八年九月九日遷其友吳君醒蕉之殯於虎丘而葬之吳中詩人嘗者以十數謝君傷興吳君之訂交也以詩而散軼無復存者吳君之友程君素安輩君君繡百方鳩集得若干首謝君受而壽之以板本且書其後略曰君性故豪邁激於所遇為狂易每酒酣謾罵人不能堪至生以作不倒翁自給死盾柅於義塚韋君又為之傳略曰君世業布商意弗屑也惟以飲酒賦詩為樂然當此貞威名通聲氣者君歟謾易之以是名不彰於生前梓將成而予適至吳謝君出以示見其脩飾章句盡心於形

容倍犯之清聲篇常洽通少疵類然不見所謂酒酣  
謾罵者使吳君果移而盡在諸詩不形於口舌則詩  
當益工而所遇或不至如是之困也然吳君之困不  
至是則謝程韋三君子之興友也亦不過詩酒傲逸程  
手相慕悅而已言交於生死之際蓋自古嘆之讀是  
編者既樂稱道三君子之行誼以風勵末俗而吳君  
善揮交能自托於身後而非真狂易人亦徒可知矣

清故文學汪君之碑

道光八年十二月十日儀徵縣學生汪君穀卒其同志友丹徒汪沅芷生甘泉薛傳均子韻儀徵劉文洪孟瞻寶應劉寶楠楚楨涇邑慎言孟聞旌德姚阮中仲虞儀徵王僧保西鄉江都梅植之蘊生丹徒柳興宗賓叔甘泉楊亮季子儀徵吳廷鵬熙載王翼鳳勾生既各為文辭以紀其學行寫其悲哀又共琢石表其墓而涇邑世臣以丹書之曰

君質脆弱而性知易居家藹如也接人退然如不及唯力學則精銳強悍進而不止至不故後古人弱冠即部素俗學委心許鄭集殘缺以求會通有韻語不相

入者則旁稽博討，胸深洞贖，常達旦不寐。又以掣經  
掣史要領，多在輿地、故記、簡牘。後儒各為岐說，紛  
出無依，據唯近世之圖精審，據以為本。比羣籍而究  
事情，口指手畫，必得顯證而後已。尤嗜作書，約獃梁  
分法為真行風發，蹈厲有不可掣勒之勢。而道麗一  
應措，則積勞致略，血且病。且學益君之沒也，年止三  
十有五，而病已八載。然未嘗旬日輟學也。君字小城，  
涇州唐趙國公世居欽明之季，有國儒遷揚，五傳  
至君。君錡始著籍，橫嶽舉於鄉，以知縣就銓。初娶吳  
氏，生長，字補繼，娶楊氏，生。君歿，教秦程，程娶於母黨。  
君一女而沒，君葬之西郊，金匱山君甚愛其女孟曉。

有子毓崧岐秀善讀書君雅屬意孟瞻故知之及君之  
逝也告和求為其子婦君聞而笑曰孟瞻厚我憐我  
及我女耶君無主後補以其幼子寅壽後君並卜明  
年 月 日以君喪合於夫人之窆自予弟世榮季  
懷從~~從~~游於梅花講院因得與君及芷生諸  
君交善其日相砥礪勗勉者不為人不速化本奉  
原原不以得喪憂所習予嘗以謂季懷所與遊諸  
君家居相距或數百千里蓋江淮英淑之所發越使  
得萃於一地相輔以有成夫豈事之適然者耶然十  
數年間諸君既皆困頓無善狀季懷顧不幸奄然  
物化而君又為之續生材實難受材而不負其生



為尤奪之難而遽而且酷至於如是天道其果可知也耶然季懷身後諸君檢校遺書至四十餘萬言庶幾雖每有條理唯君造詣已深而著述未就無以垂示來茲尤可悼痛是宜有銘銘曰

嗚呼小域以子守身之謹而不能厚其生以子稽古之勤而未逮樂所學之成且博辨雄文如諸君者不勝哀慕涕隕而心傾也悲夫

幽光集叙

揚州當江淮要衝，離賈之所聚，其士人大率務聲華，求沾潤有而遺世，遠俗寄情寂寞，爭得失於聲律，究離合於比偶，所志固加人一等矣。道世者，世亦道之，遠俗者，俗亦遠之。故詩人者，大率罵機喚傷，所叢集也不涉形勢之途，常至困澗然。老子弟無所憑藉，不克世其業，嘔心餒腹之章，遺弃於散麓，斷爛於塵埃者，相比也。斯亦志士之所大痛矣。聘開上人住持揚州北皮市之柳菴菴，其師長士習醫，上人傳其術而所好則在詩，以小文遊，皆詩人也。數十年間，著舊周謝上人會，追念生平微迹，諸君當其獨管含毫，何嘗不

志在信今傳後耶，既無所遇於時而集未刊布，稿多散佚，殆將泯沒無聞。苦心集東集歷有年，所得若干家，付之梓氏，蓋上人舊日共吟咏談讌者，略脩於斯，以得詩先後為次，命曰幽光之集。近世選詩之刻，咸出大都，為順風之呼，以射聲利，上人為此夫豈有所為哉？蓋其性情敦厚之所發，而不能自己者也。敦厚詩教也，觀上人用情之善，則其詩可知矣。

姚節母傳

四

節母姓張氏安徽桐城人考寓順天府治中姚姚氏張氏族望甲安徽子女率聰慧俊朗然特門地習豪侈而節母獨事勤儉言動必端恪及笄而治中卒服除適同邑贈奉直大夫河南臨漳縣知縣加三級姚原黼善事翁姑有稱于閭黨閱四年舉子東之甫百日而奉直夭折翁以衰年喪子家無次息憂思至不能進食欲節母為門戶計忍哀慰藉持家事撫遺孤翁迺漸不覺喪子之為戚也嗣姑氏患瘋痺轉側牀蓐節母性至潔然扶持便溺洗滌褻衣婢媼不堪其臭苦而節母安之人以為難東之成既人節母為娶

於其黨連舉孫而婦歿道光壬午東之成進士分發河南補臨漳縣先是邑人共舉節母節孝有

旨旌其門至是東之遵例呈請得

誥封太宜人迎養于官節母在室即喪兄又喪父於歸不數年而稱未亡而姊氏又寡繼喪姑喪翁最後喪母蓋自有識以來四十年間未嘗有歡愉之境然東之留滯都中不能歸省者逾十年及迎養至署而諸孫皆巍然成立啟處有法度善讀書東之在都繼娶武進徐氏節母至署即啓之治家井井然使東之得不以家事紛其心湖節母生於華隴中更荼苦脫就祿養可自逸矣而卒不以所處變其恒德者有

如此故工詩有集若干卷以道光九年卒於臨漳官  
署年六十有七葬一即東之孫四世恩世熹世愷世  
恭女孫二曾孫二昶曙

邑世臣曰記稱寡婦之子非有見焉則弗友也者以  
其不奉嚴訓鮮克有成也東之自十五六即知名翔  
翔名公卿間而抗直重然諾無唯阿媚世之行及其  
治臨漳也予方客大名相距不百里策馬過訪政聲  
溢田畝間並以為吾侯恪東太夫人教有數事幾不  
決能東太夫人指而決之言之歷歷可聽信東之之為  
諸生也不以貧困而徇人其居縣也能治又能使四  
境歸德於節母也君子察東之不匱之志即節母可

知矣

金

有  
卷  
八

湯賓鷺先生文集叙

四庫全書

四庫全書

予以嘉慶壬戌至常州先生前卒已四年而常州人士稱文獻者必首舉先生以為樂善疾惡坊表今倫多識前言徃行其為文常依于闡幽顯微至再至三而不厭殆荀子所謂君子必好辨者也予既慕先生之為人不及見因求其書積數十年不可得及道光己丑先生之女夫張君翰風宰館陶為先生校刻遺集予取道過從因得受而讀之其詩導源香山而不襲其貌反復委綽必盡其意長律七古為尤工其文則長于記事論說以達意為主而橫直自成體勢望而知為有德者之言足以取信來亦自唐迄今千餘



年以父名者十數家以詩名者數十家並以馳騁變  
化成一家之機樞為後世法守而學者耽精疲神于  
此十數家數十家者規撫形模于長短疾除之間蓋  
亦有庶乎維肖者已而常不足當有識之觀采夫豈  
古人不可學抑爭章句之末者固未能與于言志載  
道之大原也耶故其傑焉者沈研古籍必比類以吾  
身所親歷按切于吾心既了然無所格闕乃屬辭而  
注之手自述所見其條鬯指趣絕去依傍之迹而又  
不至於橫流奔放則其所詣雖未足與彼十數家數  
十家者比而能使讀者聞其聲如見其人則亦足以  
自植而不朽故自唐以來有書傳而不甚著者又不

不啻數十百家先生則其流亞也先生無子以從姪  
為嗣說者謂先生忠厚嚴正既博學雄文不得於有  
司無所設施于世而天又靳其嗣息耶然往昔達人  
如漢之楊子雲唐之李太白孟東野宋之程伯淳近  
世之顧亭林是並文切物理道周世用彼蒼天之不  
可知者何獨至先生而疑之予少遊大興朱文正公  
之門大興實先生尊甫門下士淵源可溯予近又與  
翰風為至戚托親弗之末屬故不辭不文而書其梗  
概以告觀者

清故國子監生凌君墓表



江都有生于孤露不假師資自力學以成名者二人  
曰拔貢生汪中容甫國子生凌曙曉樓予以嘉慶六  
年遊揚州則汪君前卒及十年再至乃識凌君君生  
貧而居市十歲就塾年餘讀四子書未畢即去香作  
雜傭保然停作輒默誦所已讀書苦不明詁解鄰之  
富人為子弟延經義師君乘夜徂其軒外聽講論數  
月其師覺之乃閉外戶不納君君憤甚求得已離句  
之僑籍于市私讀之達旦而日中傭作如故年二十  
乃棄傭業集童子為塾師稍一近士人然或僂陋不  
足當君意故君學為世俗制舉文無尺度同人亦莫

肯為言者而童子嘗從君遊則書必熟作字正楷以故信從衆脩脯入稍多益市書君有甥儀徵優貢生劉文淇少貧如君君愛其穎悟不忍棄之遂末自課之且教且學劉君齒未壯即以淹通經史知名江淮間而其學實自君出君初識予問所當治業予曰治經必守家法專治一家以立其基則諸家可漸通然心之為用苦則機窒樂則慧生機窒者常不卒其業凡讀書不熟則心以為苦君自取熟者治之可也以君熟于禮遂勸君治鄭氏又以古注義皆激射回互非深通文法則蒼皇不能得情事因勸君先誦嘉隆經義三十首每首以三百過為度君既習之得體勢

乃出故編脩武進張惠言所輯四子書漢說數十事  
及予與庶常陽湖李兆洛增綴未就之稿授君以為  
治經式君既明古人文法隱顯疾徐之故益樂益憤  
歲餘稽典禮考故訓補其不備為四書典故覈六卷  
以見知于故梅花山長沂州知府歛洪梧君名始起  
君既治鄭氏得要領又從今寧國訓導吳沈欽韓問  
疑義益貫弗精密嗣聞今儀制武進劉逢祿論何氏  
春秋而好之及入都為雲貴總督儀徵阮芸臺校輯  
經郭晝見魏晉來諸家春秋說深念春秋之義存于  
公羊而公羊之學傳自董子董子春秋繁露原天以  
尊禮援比以貫類旨與詞蹟莫得其會通乃博稽旁

討承意儀志梳其章櫛其句為注十七卷以昌絕學  
又別為公羊禮疏十一卷公羊禮說一卷公羊問答  
二卷阮公出鎮延君入粵課公子君時方家居讀禮  
以喪服為人倫大經後儒舛議是非頗謬作禮論百  
篇引伸鄭義洎至粵與阮公商榷刪合為三十九篇  
為一卷凡君所著書三十八卷五十餘萬言皆有顯  
證絕雷同附會之說足為來學先路君娶同邑范無  
出別宅嚴舉子鏞而范尋歿君繼患風痺養病于董  
子祠之南偏道院遂以道光九年五月二十六日卒  
于寓廬年五十有五鏞雖始覲哀慕如成人劉君卜  
以是年八月八日附君子雙墩北原之祖墓與范合

封又圖所以不朽君者以屬予予謂汪君雖博覽強  
記而特工文辭鉅公推挽者多晚以饒裕然勤學亦  
稍殺減矣君獨尚樸學南北奔走皆以校書授讀為  
事未嘗與時世通羔雁修脯而外未嘗入可以無取  
之財予每過後君必危坐據案左手繙卷冊右手持  
筆賓客至前而不見蓋自締交以來二十餘年如一  
日君得于天者後汪君而人力堅緻終始不渝則殆  
于過之是不可以不銘銘曰

凌氏之先泰州著籍儒歷僉憲明史稱直曾祖曰襄  
武長平夫祖鸞父駿乃寄江都君嚳且魯好學根性  
自知讀書不隙而正古有江都養抑聞牧猪十五年

其精不通吁嗟凌君遠興為儕名則既振福廼不皆  
挾經之心以一何鄭排斥詖辭章明先訓魯有慶允  
泣挹遺書修德必報成此藐諸



清故文學薛君之碑



道光九年八月二十日甘泉薛君子韵歿于福建督學使者內閣學士新建陳用光汀州校士行署先是陳公讀子韵所著說文答問疏證之書而善之以質太子少保閩浙總督金匱孫爾準孫公故小學家也嘆為絕倫議相與板行之以嘉惠閩士粹遺此變陳公慎於殯之禮留疏證六卷稿本而遣使護喪歸揚州厚資其葬儀徵劉文淇孟瞻檢遺篋得舊讀十三本集錄其丹黃手勘之語約可二十卷閩游草一卷文選古字通疏義十上卷草創未卒業孟瞻與寶應劉寶楠楚楨予族子孟開約纂輯繕副以付其家其

家卜明年春祔于甘泉西郊十三里廣陶家冲祖墓  
同人以子韵道羸時絀不可不表也以屬予予以謂  
子韵少工駢文喬麗常冠儕輩嗣與孟瞻及子弟季  
懷友善因以次締交于孟開仲虞五人者相結為本  
原之學季懷孟瞻孟開治詩攻毛鄭氏仲虞治易攻  
鄭虞氏子韵治小學攻許氏皆旁通羣籍而據所業  
為本砥礪以有成近世昌許氏者推嘉定錢氏金壇  
段氏段氏徒衆尤盛唯子韵究其得失而右錢氏錢  
段皆予舊識備聞二老面商權之辭知子韵于斯業  
甚審也乾隆中大興朱氏首以許鄭之學勸天下一  
變揣摩盛腐之習繼發<sup>者</sup>明高而不別真偽則擇壻

斷爛之弊興于是求士者反其道以為用或揣摩塵  
腐之未能也然遂衮々躋請要爭言主持風會矣四  
十年間風尚三變故學者能有志于古百之一志古  
而一再不當于有司輒自疑遷業其能堅定不惑以  
汔有成者又百之一予弱冠展側江淮間常自病盜  
虛聲無根抵物色樸學得陽湖黃乙生小仲通鄭氏  
禮行不違其言武進劉逢祿申受通何氏春秋虞氏  
易雖涉世迂疏而好學出自天性江都凌曙曉樓治  
何氏春秋鄭氏禮困學而不厭同邑胡世琦玉樵墨  
守鄭氏有綴殘補缺之勤嘉定潘鴻誥望之能錯綜  
許鄭以適大義丹徒柳興宗賓叔治詩禮史漢能依

雅訓以擇俗說楚禎之上世故崇漢學能不墜其家  
法儀徵汪穀小城覃精許鄭尤長于輿地黔俞正燮  
理初通鄭氏禮杜氏春秋烏程凌瑩厚堂綜漢義說  
易禮春秋數十萬言與理初並長推步算術蓋吳越  
英畧脩于斯已說必守許氏以推原賈馬鄭服詁訓  
者卒莫如子韻之善荀子曰學不可以已鍥而不舍  
金石可鏤非必資性殊絕也故曰古之學者為己志  
乎古必違乎今無望其速成無誘于勢利廼漸至乎  
古之人然而太史讀功令至于廢書而嘆者不亦深  
悼鬱滯矣迹諸君子所學此其志豈利祿之路哉要  
其稽古自得皆足以有見于時而成進士居館職者

唯玉樵申受未幾玉樵竟出宰不獲乎上申受左遷  
祠部至十三年不得調理初望之季懷獲一解連躡  
春官憂生之計更迫餘子則困諸生無所合而自道  
光紀年以後小仲嗒然物化季懷小城相繼奄忽今  
年春夏之交玉樵家食不祿曉樓以養疴紆于道院  
入秋而申受疫沒京邸子韵旅喪闕館右軍所謂感  
兼傷痛切心哀窮不已又云當今人物眇然彫落可  
哀嘆者殆猶未至若斯之摧剝酸酷也爰洒涕而系  
之曰

君年卅一諱傳均舊隸溧水今邇濱遷邇再傳璋璉  
璉璉次子柄君其曾以柄後璋璋有孫孫知好學祖

顏溫母李早世繼楊慈妻何淑慎君宜之維君失職  
以學顯吁嗟中材何以勉孝釗總角抱遺書君子之  
澤自茲遠

霽霖雨和尚塔銘



和尚諱祖雨字霽霖霍丘徐氏子也出家本邑節孝祠稍長受具足叅揚州靜慧寺長老慧公傳平陽宗法于本陳國師為第七世先後主香阜靜慧之席還故里開山為雲臺寺晚遊南昌開山為長清寺四啟期場度衆至五百餘人以道光八年十一月八日示寂于長清丈室僧臘七十三年世壽八十一歲法嗣在揚州者地藏寺開山住持先德靜慧寺住持先初香阜寺再傳住持明恒俱謂和尚中興香阜主席久為神期所屬建塔而迎龕于南昌供養經歲卜年月日啓龕入塔而請銘幽之詞江淮間崇奉

釋氏布施山積是宜有龍象能負荷者卒之盛徒從  
飾威儀機鋒取足聳冠蓋禍福取足震愚蒙貪熾嗔  
深與所學相反者比比也和尚獨循樸實重然諾力  
所能及常先入而後已訥然如不能言而行必相顧  
勞苦淡泊以身先衆數十年如一日平居無誑語無  
私財既登大耋猶徒步日數十百里無倦困之色余  
少耽禪悅所識縑流知名者百數唯白門聿方力行  
同和尚而規為狹隘吳門一彬濟衆不以自利設心  
同和尚而常出權奇以術善信非法門正術則和尚  
蓋獨出而莫能與偶者矣是宜為銘銘曰

當世所謂禪宗者莫不開堂聚衆弔椎喝棒然而迹



其行事則解縛愈以自縛祛障轉以重障也和尚而今已矣更何從求實證於躬行以解脫哉夫世網者乎

張蓉鏡妻姚孺人墓銘

張蓉鏡

孺人諱晚真字笑初姓姚氏江蘇昭文人也祖春和  
按察司經歷父文基縣學生歸同郡國子生張蓉鏡  
為繼室閱四年以道光戊子六月七日<sub>天</sub>逝年二十有  
六歲蓉鏡好文而善交為常熟舊家子祖燮由翰林  
歷刑部任浙江寧紹台道父定球由拔錄議叙益大  
使先是孺人為外曾祖母汪所愛常居外家嘉慶庚  
辰孺人年十八汪忽中夜發劇疾無可延醫孺人即  
剖肉一片煮以進汪服而驟愈遠近盛稱之頗嗜詩  
于歸後以蓉鏡字笑川自題吟稿曰雙笑閣集小正  
書亦娟然有致以<sub>年</sub>月<sub>日</sub>葬于原銘曰

是維淑媛粵安幽宅以永令聞視此貞石

畢節母汪孺人墓表



節母諱字江都人系出唐越國公族望于歛選揚五  
傳而有選拔貢生中以博學鴻文知名當世孺人之  
考也選拔君有女弟明大義通漢書婚儀真處士畢  
合入舍逾年舉子貴生遂遠遊漢陽閱二歲孺人生  
選拔君奇貴生甚以孺人歸之甫治婚嫁旅于杭而  
卒處士君亦以喪歸自漢陽選拔君晚舉子今戶部  
山東司員外郎喜孫時尚未配姑嫂俱歿乃祈黌貴  
生搢柱門戶不暇給三十而歿有子復曾僅半歲未  
幾喜孫舉於鄉再試春官不利就他途當入都供職  
乃以已產授孺人勉給饘粥喜孫自念以名父子而

身用貲進若隨俗俯仰且重為先人羞又以籍隸揚  
州回避鹽法不主本司稿先後主稿河南貴州兩司  
河南司主核銷東河錢糧使河員不得于原奏外冒  
銷工需貴州則轄閔樞使各關不得以意增巡口而  
部書不能為奸于河樞大吏燧候通殷勤者一無所  
報以故俸米之外無他入常丐貸自給喜孫以少失  
怙故事姑如事父然力不能依時贍甘旨孺人奉姑  
誨子脩受艱辛至道光九年姑年八十有三以其年  
正月初一日卒及三月杪孺人不勝喪而遭疾復曾  
計無所出遂割股和藥而進竟不起至四月十日而  
歿年五十歲貴生文辭雅健有舅風其歿也余為之

志且相其墓復曾卜以十一月十日奉其祖母與母  
之喪以合于窆選拔君矯矯士林子居官能舉其職  
女第女子子克脩婦道皆可謂無忝家穀者也復曾  
為其母求志幽之文余無可辭銘之曰  
哲士之息廉吏之甥姑慈子孝以昌其世

武進董定園先生墓誌

吾友晉卿卜以道光 年 月 日葬其尊甫定園

先生于 原晉卿甫成章即以通易禮春秋工為賦  
頌古文辭及倚聲知名當世其友生多與先生為紀  
羣交者以予為先生所尤厚故屬為埋幽之詞予為  
之系曰

先生性豪宕喜急友朋之難涉困踰而不悔遇人輒  
傾吐無餘唯不能賴蒼藳對朝躋之氣論者疑其有褊  
心是則耿介之姿迫于所遭而然也先生最嗜詩為  
半野堂集數千首又制舉詩既十試被放乃徧走燕齊晉豫楚  
粵又落拓無所合而疇昔攜手之儔既高舉鮮能

為終始于是先生亦垂五十矣乃却掃奉母氏以終  
于家先生左目微眇晚作琵琶俠傳奇托茂秦以寄  
意先生之詩雖大要治聲色格律然抒寫情性多自  
得既與茂秦殊科矣然渝盟有太倉歷城而曳裾無  
趙王至假于俳優求知已于舞衫謠扇之中斯其志  
亦可傷也先生初以國子生赴都下母夫人命之曰  
兒此去母問業于錢坫而出王祖之門先生既才名  
籍甚二公爭識面先生竟謝絕之是先生以食貧故  
甘肯之奉未能脩以云養志則庶幾矣先生諱達章  
字超然晚以字行更號定園姓董氏武進人其先本  
趙氏五世祖為後于姑之夫遂冒董姓一傳為漢中



知府遂昇先任大同丞有惠政民至今祠之父開泰  
昌化知縣母錢氏娶張氏前編修惠言令館陶知縣  
琦之女兄也編修昆弟並有文行晉鄉之學所自出  
先生卒于嘉慶十八年十一月一日年六十有一子  
一錫晉鄉嘉慶癸酉順天副貢士孫二毅縣學生  
殷為先生弟達原其字也後女孫三皆幼

為陳公子書其高祖哀哀吟後



商丘陳君藕仙以撫部之孫副憲之子遭家不造為  
全椒韋氏贅壻常轉徙江湖間然獨敦水木之誼詣  
宗邦訪修遠祖端毅公以下墳十餘所其被侵損者  
皆釐而復之合宗人修譜牒系支於本購端毅遺像  
及董文敏所書告于市敬謹裝裱又得始遷祖子萬  
先生哀吟稿本錄副而請予為書後先生端毅孫  
也甫成童以襄敗餘燼自宜興間闕數千里入贅于  
商丘侯氏因著籍然孤露能自植以致通貴居戶曹  
必求稱職守已不枉再振家聲可謂非豪傑之士乎  
藕仙所遺略有近似者而較其艱困委頓與先生則

有間矣是則能以先生所以飭躬者自飭未始不能  
起衰而返之盛也詩云無念爾祖聿脩厥德念祖者  
子孫之常職脩德者念祖之實效予弱冠先後為撫  
部副憲之客與藕仙交三世矣撫今愍昔不能不深  
望於藕仙也藕仙其勉之哉

清故候選兵馬司正指揮魯君墓誌銘

四

君諱湘字蘭舟姓魯氏先世隸六安明初有鎮江衛左所百戶政者子孫襲職因著籍丹徒人考銓起家進士官至直隸清河兵脩道署理直隸布政使君性穎悟篤友朋幼侍宦遊無紆綺之習應童子試被屏者七由國學覓解順天又輒不遇乃以貲得兵馬司正指揮清河公既卒官君內侍重關外堵門戶未遑謁選遂以道光八年七月二日染暑疾終于家年四十有四歲清河公曾守余郡前此郡守試士率論賢為進退惟清河公慎簡閱卻苞苴前茅多寒峻稱得士君又殫心文事顧每試輒蹶不足稱人意然當君

屢蹶小試時清河公任安徽道府相距才三數百里  
聲氣搖撼相接則清河公之礪官箴以式後昆與君  
之績學自重不欲闕然躁進者並足為士林光寵則  
君亦可無恨矣配同邑包氏子二慶恩慶貽孫一榮  
高君中表弟紀幹貞與余習諄乞慰幽之文故吹其  
狀而銘之曰

文吏有子文戰屯鬱者文采厚文孫誰其不信視此  
文

皇崇祀名宦陝西白水縣知縣告改江蘇青浦縣教諭王君墓表

君諱希伊字耕伯姓王氏其先世隸吳明初有得全者遷寶應為寶應人十數傳至有容為泰和縣知縣有惠政民為立祠泰和君季孫式丹康熙癸未一甲第一名進士官翰林院修撰則君之叔曾祖也祖懋弘康熙戊戌進士選安慶府教授以薦奉

特旨授翰林院編脩

上書房行走卒祀鄉賢邑祠父箴傳雍正乙卯舉人恩授國子監典簿銜妣同邑朱氏贈孺人君弱冠領鄉薦八上春官不售以資截取選授陝西白水縣知

縣白水山僻小邑地高土厚苦乏水既汲皆倚白石  
河河源出同官一之紅土坡坡西南有三尺嶺係富  
平縣境嶺北有山澗澗水本東北流富平民議開濬  
山澗令深寬以接紅土坡水截白石之源西南流至  
三尺嶺而於嶺下穿洞引水下注富平之老峪河以  
益灌溉君聞之急勘詳以止其議白水去衝道寫遠  
向例惟兵差奉派協濟棧內之武關駟乾隆四十五  
年數月之間四派協濟潼關流差車馬民不堪命君  
援例請豁免而附近之韓城大荔朝邑蒲城郃陽澄  
城六邑以情形略同白水因得并免邑舊議建書院  
未成君就其基拓為彭衙書堂以居諸生身自督課

鄰邑亦多負笈向學者又就書堂與同善會邑之富人慕義踴躍利垂到今在白水六年引疾歸白水民就書堂以祠君君既歸告改教職選青浦縣教諭蘇松長吏常縱漕吏輓庠序而青浦為甚至君始舉其職稍振士氣在青浦亦六年引年歸歸四歲當乾隆之五十九年以十月二十一日卒于里第年七十有六配山陽邱氏贈孺人前君歿三十年君之長子候選訓導直奉君與邱孺人殯祔祖塋之左君之訃至白水士民哭君如哭私親相率請祀君于宦而書堂之私祠如故君家學源自泰和君恪宗紫陽至編修而盛外大父澤灃興編修君以紫陽相切劘者尤篤



至澤灤之學傳其子光進與其高第弟子邱照君師  
光進而壻于照少奉語言師友戚鄰間見聞無非紫  
陽者君亦毅然自任然其作吏白水與友生書云忽  
漫從官弊端結聚夙夜冰兢惟思退藏勢與願違未  
獲如志不敢以怨艾空言貽誤民社力省前非以圖  
晚盖又云紫陽嘗謂一生在文義上作巢窟文法一  
也古文深時文淺古文疏時文密淺者深之基密者  
疎之本自有時文以來時文不通而能通詩古文辭  
者未之有也故時文于讀書為最要不得以科舉之  
業輕之嗣司鐸青浦與所親書則曰白水一行所得  
不償所失每看一衣觸一物皆宦囊也曷深幽咽又

自書公牘後云固知迂濶而遠于事情矣然耿耿于  
中如物在喉間必吐之而後快誠知無益然能無動  
乎動則吾事或濟矣安敢貪天之功聊以盡吾心焉  
蓋必計其可而為之天下無可為之事矣驗茲數事  
則知君之居家善讀書在官能任事者甚信而非近  
世依托理學為名高以巧射聲利者比也君卒三十  
有七年君之鄉後進劉寶楠以直狀與君文集屬為  
墓表予前周旋范光白馬諸湖間嘗聞父老言其先  
世業漁前明編為漁里戶共五百餘家供漕船麻膠  
翎毛折色差

本朝濫徭盡革而漁里戶仍徵銀百三十餘兩業久

遷而僞不改里胥因緣為奸擾累至百五十餘年及  
邑紳王白水力言于地方大吏以公項撥抵豁除重  
困始甦又聞士人言吾邑舊有同善會王白水見其  
不率舊章事無實惠呈請停止變舊會存產以修學  
宮費僅什一卒以藏事繼又脩復同善舊章為卹廢  
會永垂利濟今讀君文集乃知君于青浦引年歸里  
後舉此三事時君年已逾七十可謂任重道遠敦善  
行而不怠者也明道先生有言一命之士苟存心于  
利物于物必有所濟亮哉道先十年五月既望涇邑  
世臣表

石蘿山房詩鈔序



予嘗謂論詩如論人，須得間而觀其深，未易以皮相定也。嘉慶辛酉，予至揚州，不數日，即識張君芟塘。後十年，予挈家僑寓倚虹園，與君衡宇相望。今又閱二十年所矣。君教授鄉里五十年，門牆大都以詞賦獲雋。故君在揚，有詩名，揚俗重紅白，誦應稍有力之家，雖嬰孩生辰，婚侍七期，所知皆集君。故未嘗不在。君善天文占候，六壬太乙諸術，有求者，君又未嘗不應。生平無劇言遽色，雖不願波靡隨人，為上下，亦未嘗剖別是非，顯與衆忤。揚人故交口稱君，然揚人共指艱業為生計，其達紳宦屬有以聳動禍福之者，弗

論，即寒氈敝緼，但能排闥為長短，則亦足以自植，所見以此獲奇贏者甚夥，獨未嘗有君，故予之初至揚也，雖業尚外強，諸公則耀車馬，徵逐歌舞，飾游閑，及今中外皆乾，諸公橫眉蹙額，殆不可終日，而君脩然事外，先後無異，輒固足徵君之疇然自遠矣。然君善隱憂，雖日以制舉業授生徒，取脩給饘粥而生民利，病吏治隆汙之故，無不心儀而默存者，然則終身與君習而能知君之深者，絕少，是雖讀君之詩，真賞奚遽易得耶？去年秋，君有井弟之喪，服未除，今年春及門，諸子以君為盛，古稀欲集，觴不得請，乃相與梓君詩以弁言，屬予，蓋謂予習君而能知君也。故書簡首。

以告觀者